

光緒江西通志

江西通志卷八十一

建置略六

書院一 社學附

南昌府

豫章書院在進賢門內創自南宋明萬厯間巡撫凌雲翼潘季馴先後修葺改祀宋元明諸儒稱豫章二十四先生祠

國朝康熙二十八年巡撫宋犖改立理學名賢祠三十一年巡撫馬如龍復葺祠右書院歲久傾圮五十六年巡撫白潢卽舊址重建書院右爲講堂左爲祠仍祀先賢名儒旁列號舍錄士之俊者讀書其中偕學使王思訓捐俸給廩餼復購十三經二十一史唐宋大家文集先

儒語錄儲之以餉學者五十八年頒

御書章

水文淵額懸講堂

謝志

白黃疏

為恭請

御賜

將厥有藏修之所振民育德實為教化之先期雋彥之

奮興無忘敦學必

我華徧於四國紀堯庭之莫莢諸葉交舒誦周雅之著莢

羣才樂育臣叨膺特簡鎮撫西江思化民成俗之方莫

先造士而摩義漸仁之要首重息游工必居肆而後成

學以切磋而有得此書院之與所宜亟也查得江西

省城舊有豫章書院臣履任以來仰體

意文教因倡始修理錄上于文品之優者寢息其中臣

同督臣常勲之有宸翰下頒斯雲蒸霞蔚俯惟書院實為

日稽月考勉之有成然而

神是以誦之區仰瞻

鼓歌絃誦之區仰瞻

澡身浴德儼咫尺之凜帝天說禮敦詩恍美瞻而見

舜將見多士同心而衛道不啻改愚蒙之聾瞶而迪以

藻鸞翔如視聖主之斧戾而

聰明有命臣不勝踴躍待命之至

問茲提命臣不勝踴躍待命之至

雍正二年巡撫裴

率度復加修葺十年

賜帑銀千兩乾隆三十二年巡撫吳紹詩重修三十六年及四十年巡撫海明海成兩次重修四十四年巡撫郝碩修葺齋舍增高牆垣中爲文淵堂後爲麗澤堂堂後室九間又北爲室七間東爲聖經堂前室五間後爲理學祠又北爲文昌宮又東北爲室二十八間西爲白公祠前爲室四間後爲室七間又西北爲室六十間道光十一年巡撫吳光悅倡建考棚尋鹽法道余正煥改東北室爲三十六間西北室爲五十間同治八年巡撫劉坤一檄縣大修建講堂增置齋舍重購十三經二十四史藏院中

院中

府志

銀二萬三千三百二十二兩四錢五分

借作軍需及江省肅清書院開課巡撫劉坤一布政使

劉秉璋等定議歸還原項并於釐金項下撥銀四萬六

千六百七十七兩五錢五分合成七萬兩存交典肆每

年一分生息計支肄業書院歲費三千三百兩友教書

院歲費一千八百餘兩經訓書院歲費一千六百兩共六千七百餘兩餘銀作三書院歲修之用

友教書院在府學南舊名友教堂初建於澹臺墓前祠

澹臺子羽明萬歷閒巡撫王佐遷今所

國朝順治十一年巡撫蔡士英重修蔡士英記云王道之

而學校以進身反成謀利之地書院以窮理猶近爲己之門有志者宜何圖焉是故余於江西務盡復諸書院如鹿洞鵲湖白鷺次第修舉最後乃及澹臺祠祠成而北上矣時迫不遑規模纔具一立之師脂車遂邁則余忤乎懼其不卒祠故有田若干是鄉先生所疎置以供會者事在初歲將逮百年鄉讎龜陰之不生所疎置以供余言之誠無過既得讀紀略書知有捐輒應亦終無以余言爲過者而余別置田百畝並在版籍後來者踵事增華特書未盡則幸哉澹臺祠之不論於鄉亭僧肆馬早兵行而卒得爲書院矣雖然書院猶學也而人故小之豈惟小之將爲之也書院之田亦猶學田也而人故公之豈惟公之將并之也前乎此者十年之事大非余所敢知矣禮不云乎君子於是語於是道古其繼以自今日尙無以因陋爲仍舊而爲後來所取法乎益以田租延師課士與白鹿洞鵲湖白鷺稱江西四大書院

雍正八年巡撫謝閔布政使李蘭重修乾隆三十八年
布政使李瀚飭縣清田租籌經費四十八年布政使馮
應榴復修前堂曰友教後有君子亭兩廡列屋十二間
嘉慶十二年布政使先福修道光中東偏火旋補葺同
治四年布政使孫長紱重修

府志

經訓書院在進賢門內千家巷道光二十年按察使劉
體重以課士者僅試制藝特創建書院於繫馬椿名以
經訓二十三年按察使溫予巽成之二十七年復以地
隘遷今所增設號舍擴充膏火中爲講堂先儒祠置齋
舍四十間

府志黃爵滋經訓書院記諒章素崇經術名儒理學代有傳人不獨匡廬彭蠡靈秀鍾

奇抑亦先正典型師承有自天下四大書院江右實居其二果能培植本根宜更有忠信才德魁奇絕特之士踵生其間也顧功令以制藝取士而教士者亦僅以制藝策之無怪乎士之逐末而忘本已夫上以寶求猶恐

下以虛應矧未嘗求之乎趙城劉公梅坪陳泉江右創
建經訓書院蓋務本也甫經始卽以開藩擢去閱三載
而漢陰溫公東川實來得監院教官蕭君國琛黎君樹
培力贊成之詳課士之式酌善後之宜聘子兼掌書院
事於經解策論外兼課詩賦而制藝試帖則專歸之豫
章友教各書院焉懿哉問嘗論之經常也萬世不易之
常道也孔子惡鄉愿亂德孟子歸本於反經經正民興
理不爽也泮水之詩曰淑問如皋陶書命皋陶曰明於
五刑以弼五教三代兩漢儒吏莫不兢兢以經學陶成英俊
爲期今劉溫二公任重提刑而勵然以經學陶成英俊
行見教澤旁流湛恩汪濊有與章貢俱遠者卽翼日備
員薇省漉漉五載無補涓埃或亦可藉一朝之董勸聊
襄德政於萬一也夫時
道光戊申中夏月記

洪都書院在南昌府學右舊在新城門外龍興觀康熙
閒巡撫董衛國建久廢嘉慶二十三年郡人議改建會
知府張敦仁擢任去未果迄道光十三年知府張寅始
以府學內西南隅講堂敬一堂改建書院

府志

東湖書院在南昌縣百花洲舊在城東南隅宋嘉定閒

郡丞豐有俊因李寅涵虛閣故趾創建以館游學之士

賜額於朝後爲南昌縣學嘉慶八年知縣黎承惠倡捐

改建今所道光十七年知縣蔣啟敷以地勢低窪修築

增高同治元年火藥局災院宇震圯邑紳捐資重修府志

隆岡書院二一在隆岡宋進士劉邦本建一在北岡宋

鄉貢士李天福建謝志朱子詩卜築隆岡遠市朝簡

水浮花出石橋綠偏莎汀牛腹飽青歸麥隴烏聲嬌東

鄰西舍渾相似半是漁人半是樵語青蘿捲薰風半掩扉

五侯車馬往來稀綠楊門巷鶯鶯語青蘿捲薰風半掩扉

掃石圍棋消白晝解衣沾酒醉斜暉山園莫道多寥落

梅子初黃杏子肥水繞荒村竹繞牆儼然風景似柴

桑車轍自雪絲盈袖鑲劉黃雲稻滿場後樹斜暉楓葉

赤一籬疏雨菊花黃東鄰畫鼓西鄰笛共慶豐年樂有

常一土築低牆草結菴尋常愛客伴清談地瀟有火湯

初沸布被無寒夢亦酣風捲翠松鳴晚蓬雪飄疏竹響

春蠶閉門不管榮枯事坐傍梅花讀二南謹按新建

龍沙岡別有龍光書院

舊志并而爲三今改正

正學書院在進賢門內舊貢院陞甯庶人宸濠陽春書

院也嘉靖元年於此試士三十四年火三十五年學使

王宗沐創祀濂溪明道伊川三先生廣爲號舍額曰正

學書院

羅洪先記 督學憲使王公敬所因貢院改復取

陽何公巡按五臺徐公東泉鄭公咸助之成中爲崇迪

堂廣幾軒後爲退食之軒燕休之館庖寢園福巨細咸

具左右爲號舍者凡幾所堂室門墀各限囿雜外爲夾

道繚以周垣總爲屋若干可容生徒數百十人扁其門

曰正學書院始於嘉靖戊午某月又幾月而垂成遣使

委記於余未幾王公遷參政而憲使浚溪黃公代爲督

學增其未備復申往命余未嘗得造其門覽書與同其

愛士良勤而規畫至宏遠矣夫名以正學之明獨在孔孟

之時而其後莫或於宋然夫子方且責原壤惡鄉愿而

病異端楊墨之辨孟子自謂出於不得已二程朱陸之

於佛往往若敵壘之吾侵是當時之人惑於他道亦甚

矣夫當極明之時邪正紛紜乃自不免此何說哉凡吾

之言學未有不篤於躬行者於躬行之中而議論稍偏

意念稍蔽其始止於毫釐而流弊乃或千里之謬初非

與聖賢之道背馳而不類則原壤楊墨之類是矣以其

偏蔽之流固不得不爲之防而躬行所至各有自得又足以易視聽而傳久遠向非見正於聖賢固莫知察其微而絕其患此他道之辨所以必出於斯道極明之時亦其勢使然也濂洛之後至今日講學之風徧天下其抑亦謂盛矣其皆篤於躬行矣乎亦有失之偏蔽者乎抑亦尙不免於空談而偏蔽之患猶不解乎夫正學不明聖賢汲汲於奔走者不啻拯饑溺之切也然當極明之時而他道卽以參雜其間然則議論之從違意念之輕重其在今日烏可無慎也哉吾方懼求正學者未有躬行之驗則亦無以取信而不受變於外也其或竊六經之文以工課試不復知有其他足俗學也彼於人萬已無算尙何以救人之偏與蔽哉求正學者自得之萬

歷中學使沈九疇重修

國朝順治間仍改貢院後移貢院於東湖北止存故址

謝志

劉公書院在東湖廣濟橋西北

國朝康熙九年布政使劉樾建

謝志

元鈞書院在東湖吉祥廟右康熙十五年督糧道李月

桂建

謝志

槐蔭書院在東湖吉祥廟右康熙十七年布政使王新

命建謝志

南浦義學在廣潤門外米市即舊南浦所署改設社學

十有二所府志明李夢陽南昌新建二縣社學碑社
視化觀治者也自庠序教廢民之子蓋不復教之鄉而
輒入其縣州府學其童子事未之習未知室家長幼之
節而業已學先聖禮樂講朝廷君臣之禮矣按古制里
有序鄉有庠序民秀異者移鄉學於庠序庠序之異者移
國學於小學諸侯成貢小學之異者於天子學於太學
小學者今縣州府學是已今既不教之鄉以爲養蒙飲
才之地而縣州府學勢又不得盡蓄其才如此而欲視
化以觀治難矣是以治天下者憂焉縣必里立一學曰
社學設師斂才以養其蒙乃其師不曰子養蒙者也顧
月徵其課金雞米酒食民之子或苦而不來則輒棄諸
官勾攝而鞭笞之民見其師非惟不養也而又苦其子
曰是役我也則潛助其胥吏而脫其子貽者脫貧者萃
其師必饑餓謝之去官者則顧謂人曰甚哉社學之於
治乖也茲說行則民志愈惑相煽以成俗至莫可救解
高皇帝嘗茲馬憂見其俗莫可救解又值天造之初直
發艱哉之嗟而止正統間既設提學之官又仰念高皇

帝之憂之嗟也於是詔天下縣里設一學以教累朝相
因於救督學官也必茲諭之今八十餘年矣而天下之
社學卒不興成化初提學江西僉事潮州李公力爲此
刻石冀望然未聞繼其後者也今所學毀失亦盡矣古
之制誠不宜於今邪抑天不欲復三代之治所謂有君
而臣非其臣哉夫先其近則遠可屆舉乎大則細易力
規畫詳則循之可久予今俾先立社學於省城以爲十
二府之望十二府各立其社學自爲其州縣望州縣又
各自立於城市爲諸鄉都望諸鄉都學則先大鄉都以
及其小此亦遠近細大之義也南新二縣者省城縣也
今立社學一十六處曰民葬曰物理曰崇真曰洪恩曰
高士曰奎章曰滄洲曰夢洲曰通濟曰高節曰通真南
昌學曰思賢曰文奎曰修仁曰崇文曰崇信新建學諸
學附城外內布散而相錯余謂其官曰學精選教讀一
如例復其身待之誠且有禮勿令微課金雞米酒食而
苦民之子勿使民以是爲役而潛脫之也教讀不才者
黜之才者吾將舉而用於時又謂之曰自今非社學生
其勿入其縣州府學曰此古移小學之意也於是學又
設門子一給其薪水或增屋以處其家室嗚呼其亦詳
已亦直欲爲他府及州縣望之而行耳已如此而猶有
所不行其非余幸哉南昌社學始於知縣吳守正成之
推官李先芳新建則知縣游連之爲經營二縣社學者
南昌縣學訓導達賓也今以其備細鐫
之石下方立諸分司廳右以上南昌

龍光書院在新建縣龍沙岡卽今龍光寺尙書吳桂芳

講學處桃花鄉有龍岡書院謝志

虎溪書院在忠孝鄉琚塘亦名虎溪精舍唐婺源程天

元一作器刺洪州卽家於此始置飛麟學塾至宋嘉定間

其孫必東必簡先後登進士因改爲虎溪書院謝志

秀溪書院在北鄉宋安撫使王明訪鄧晏典教郡庠二

載辭歸生徒願執經從之者眾乃度地創院中設夫子

位翼以顏曾思孟孔武仲記太宗御極之明年江南底

尚虛安撫使王公明被命至有司以請公重懼教尼不

行下令訪老成博達者充之邑以鄧先生名聞及贊問

所業經曰易問淵源所漸曰家傳進究厥蘊果深於易

也爰命典教席惟率以身惟感以心爲務和易勤謹夫

勤謹則有功和易則易從以身以心則有典則足以作

人之效月異而歲不同二閱歲當路迭勤獎薦懇辭獲

命乃謝事諸生援之數四志不回願執經從之西者眾

而易南精舍苦隘也乃宗富者請廣之郡邑亦爲資費

先生乃度地屋之厥地美厥材良厥制宏建大堂於後
日崇禮堂中設孔子位翼以顏曾思孟外固以門周環
一垣題曰秀溪書院益廣雲集之眾綽有闕西之號余
與公家孫景義定文字交乃屬記之予曰嗟賢才出國
將昌子孫才族將大國思用賢而不重賢關家思才子
孫而不設塾皆非也是故王制家教之塾黨教之庠術
教之序國教之學皆教之以學爲人也人者天地之心
五行之秀不學爲人則不能誠身人不誠身是不聖賢
其躬而禽獸與伍矣可以人而禽獸哉顧所以學爲人
者孝弟忠信禮義數端皆其具也有其具者利其用達
則行之將以霖雨潤下土窮則明之將以匹夫化鄉人
可殺可辱可貧可賤而不可使辱其身苟醉生夢死而
爲天地閒一蠹豈直爲吾道羞亦爲有身苟醉生夢死而
振鐸膠序既以道風乎一邦申教秀溪又以道風乎一
鄉則家之薰而良者不知又當何如也秀溪之派不有
以遠揚洙泗之潤近挹河汾之美哉噫人賢其秀書舍
以秀溪名也固宜學宗其秀晏之弟武又建香溪書院
四方以秀溪稱先生也亦宜

謝志

東山書院在忠孝鄉宋邑人羅伯高建縣之二十都亦

有東山書院

謝志

竹梧書院在桃花鄉宋裴萬頃所構生徒雲集萬頃與

同里胡桐原萬澹菴徐竹堂往復唱和時稱四傑謝志

萬坊書院在南鄉宋萬驥建謝志

柳塘書院在二十一都宋鄒一唯建謝志

三洲書院在二十四都宋夏文政建謝志

五溪書院在忠孝鄉宋丁鉞建謝志

丹陵書院在象牙潭明正德間魏良弼講學處今爲丹

陵觀謝志

洪崖書院在洪崖鄉明李遷建謝志

清溪書院在二十一都明喻南嶽建又喻均建鹿溪書

院謝志

樾山書院在忠孝鄉明熊罔建旁有文池亭謝志

浯溪書院在二十五都明譚煥建謝志

雲中書院在梅嶺明李耿建謝志

羅溪書院在青岡明鄧以讚建謝志

界檀義塾在盡忠鄉明熊曦建熊文舉重修謝志

檀溪書院在桃花鄉熊文舉建一名淇園謝志

霞源義塾在遊仙鄉明邑人公建謝志

香城書院在香城寺旁明謝廷傑建謝志

石井書院在一都浯湖明姜曰廣建謝志

章江書院在石亭寺順治閒巡撫張朝璘建謝志

西昌書院在永和門內貢院後隅左舊在縣治旁順治

閒知縣魏雙鳳建後改爲魏公祠嘉慶二十一年知縣

鄭祖琛率邑紳遷建今所道光二年知府賀長齡知縣

李蔭樞相繼整理謝志府志

韓公書院在章江門大街康熙十年督糧道韓廷芑建

謝志

展箴書院在水巷口康熙十四年分巡南瑞道李世昌

建謝志

棠岡書院在棠岡山上久廢謝志

江渚書院在滕王閣北知縣楊周憲重建謝志

義學二所府志

社學六所府志以上新建

徐孺子書院在豐城縣櫛山南亦名讀書臺後改名龍

澤書院謝志府志元柳貫書院本末跋當胡文定

議東地請和時也其假辭春秋著王霸內外之略君臣父子之倫以竊附於復讐之誼今其書列在學宮則是

龍澤山中一草一木猶能知公措辭之嚴而執義之正也而況故老襲傳漢南州高士徐孺子亦嘗讀書其地先賢軌躅宛其未泯而可忽哉里佳士熊若明與其景行之思制己田以薦祀事賢矣曼碩內翰又能倡諸案善之友身任買地建祠之責豈不尤賢乎藐茲晚出濫竽勸學敢三誦縮衣之章以庶幾乎聞風於千載之下而有窺伊雒淵源之所自在此而不在彼也

盛家洲書院在縣東藍家巷宋邑人盛溫如建

謝志

龍光書院在榮塘劔池廟左宋紹興閒陳自俊建四方

來學者三百餘人悉廩之朱子曾過書院留居一月元

至正閒裔孫陳必強宗強重建有歐陽元篆額明嘉靖

十年提學徐一鳴檄知縣沈熺改建儒學西

謝志

蓮溪書院在小塘宋侍郎李從一作建招周諤講學於

此臨池有蓮故名

謝志

石峯書堂在梅仙鄉宋里人方齊陳友沅因其師雙峯

江南通志卷之二十一 書院一
九
饒氏遂創堂講學於此

謝志

龍山書院有二一在曲江磯山之上爲宋朱子及李後
林姚雪坡三賢講學之所

國朝康熙三年知縣何士錦重建一在儒學西明崇禎閒
知縣謝龍文建龍門書院後廢乾隆三十七年知縣于

崇勅就故址倡建易名龍山

謝志

敷山書院在同造鄉宋孫餘慶建

謝志

貞文書院在長甯鄉元揭傒斯請於朝爲其父貞文先
生來成立至正閒請建書院賜額選山長主之

謝志
歐陽元

記昔在仁宗皇帝之世集賢大學士陳穎翰林學士承
旨忽都魯都兒迷失等言翰林揭傒斯之父來成學行
師表一方宜特賜諡以示聖朝尚德之意於是有意賜
其諡曰貞文先生至正三年夏四月中書平章政事帖
木兒達式右丞太平賀等又請於今上皇帝建立書院
遂以貞文之號賜爲額其址在富州之長甯鄉舊山之

陽前挹遙岫後倚崇岡平峙曲谿映帶林麓蓋揭氏先
世故居之地也其制為大成殿四楹於中殿之北為
倫堂四楹別為貞文祠置明倫堂之後左為山之南
門四楹其兩廡為諸生齋居左右皆四楹齋之南又
楹其兩廡為諸生齋居左右皆四楹齋之南又為屋
五楹庾庫庖福成以次置其工始於至正三年九月
訖於九年七月其後從子範經始行之而元貞寺僧
辨相之山長湯盤繼成之其屋則從孫懋懋萃舊圖
歷學官者為之其樞星門之東屋則從孫懋懋萃舊
之材所建也其樞星門之東屋則從孫懋懋萃舊圖
育經久之貲則與某以同義者割上腴以記書院為
院垂成文安公與某以同義者割上腴以記書院為
某敬謀之喜而歸以語其子汝安曰今日吾書院事
歐陽君已諾吾記矣越數日汝安曰今日吾書院事
法申是請乃記之又告其徒曰古文疾作又數日卒
政事出焉辟雍泮宮習射養老出師受成皆在其地
莫非政事也後世學者舍榮先師未嘗專有祀事重
其所始古之入學者舍榮先師未嘗專有祀事重
之禮亦祭之至簡者也今州縣學校則又多為先賢
師於是國家秩諸祀典若夫書院則又為先賢之祠
或其過化之邦或諸祀典若夫書院則又為先賢之
其所始焉周禮大司樂有道之名也古者教人以德
樂祖祭於瞽宗瞽宗者樂者學之道有德者教焉死
涵養德性莫先於樂故有道德而為師者其生也以

人其死也人推本其教以樂祖祀之非必洙泗而下若漢董子若隋唐王通韓愈氏若宋周程張朱數君子之爲先儒而後爲可也矧夫書院與學校之制其始又自不同東漢以來大夫士往往作精舍於郊外所謂春夏讀書秋冬射獵者卽其所也唐宋之世或因朝廷賜書或以故家積書之多學者就其書之所在而讀之因號爲書院及有司設官以治之其制遂抵學校故祀事有不容闕者於是或求名世之君子以祠焉元嘗循流而遡源蓋自入學舍宋先師一變而爲通祀自學有樂祖之祭一變而爲詞章又且黨庠術序一變而爲精舍再變而爲書院學者苟不能知建學之初意又豈能知爲學之大務乎學校所重在禮樂律歷之學或該諸專門趨爲觀美所任在教事而禮樂律歷之學或該諸專門趨議所謂政事之行於學校者哉皇元超軼百王務以崇雅黜浮爲教以去華就實爲學復古之機其在於是貞文先生以道德教一鄉之人死而祠於其鄉稽諸樂祖著宗之祭直無愧乎古人者也某故著其所始願以求正於好古博雅之君子焉貞文先生諱來成字哲夫以子貴累贈通奉大夫江西等處行中書省參知政事護軍先諡貞文國朝處士易名之典自公始文安公諱僕斯字曼碩卒官翰林侍講學士中奉大夫知制誥同修國史贈謨軍諡文安父子並爵豫章郡公二公懿行偉節名列諸別碑云

同文書院在湖范元李克家建克家字肖翁凡鄉人有

志於學者聚而教焉買田以給之

謝志

菴岡義塾在長甯鄉元揭惠建中奉先聖旁以處學徒

規制如貞文書院有贍學田五百畝

謝志

城南書屋在荷塘明永樂閒羅懷玉建

謝志

羅山書院在湖茫明嘉靖閒李遂建

謝志

蓮槎書院在槎嵐蓮花寺內明李材建

府志

劔東義館在袁坊明嘉靖閒袁伯明建前爲樂育堂後

爲養善堂翼以號舍庖湍悉具捐腴田二百二十畝以

給就學者之費

謝志

寶修書堂在正法寺左明隆慶閒參議徐用檢建

謝志謹

按贛州府志徐用檢以萬曆二年任嶺北副使進左參議則非在隆慶中疑舊志有誤

近聖會館在儒學左順治間知縣宗彝建謝志

鳳山書院在邑西南二坊邑人公建府志

獅麓書院在縣南五十里三坊洛湖橋合鄉公建府志

社學二所府志以上豐城以

徵士書院在進賢縣治啟和門外以魏謩名明正德七

年改東壇廟爲之嘉靖間知縣程光甸修天啟間魏忠

賢廢毀天下書院改爲迎春亭謝志

鍾陵書院在縣境霧嶺明正德七年改福勝寺爲之立

濂溪先生祠中有光風霽月堂明通公溥四齋

國朝康熙十年知縣聶當世遷建西門謝志

棲賢書院在縣東棲賢山卽唐撫州刺史戴叔倫故居

明萬厯間知縣黃汝亨建前爲明經堂後爲寓閣翼以

號舍

謝志

黃汝亨

記

樓賢山

從池

撫州

東去

壇石

八

當居

此必

勸則

望崖

而返

余初

至東

汝干

越開

令折

腰送

拂面

清林

白石

縹緲

蓋映

意其

開有

異人

靈祕

在焉

客

秋按

志而

索之

從金

剛寺

左徑

披林

莽而

上得

書院

遺

陟不

盈半

詠而

溪山

繞集

不減

輞川

圖而

余門

人金

孝廉

俱稱

有戴

翁棲

隱山

去亦

不詳

所自

而余

門人

金孝

廉

延璧

及諸

生萬

年程

五六

輩家

潤陂

市因

與數

百餘

年矣

討乃

知即

戴叔

倫大

中丞

張公

伯林

麓荆

榛開

數百

餘年

其山

院基

為故

大倫

書院

荒於

林麓

荆榛

開數

百餘

年矣

亦家

其旁

即為

余督

羅溪

橋岸

有津

梁功

者也

往戴

州

公為

刺史

時遇

嶽早

作冷

泉陂

即北

山樓

遲三

十年

自饒

多惠

政退

隱饒

之東

湖復

移隱

北山

樓而

公故

潤州

人字

小天

台世

人悅

其賢

遂稱

樓賢

山也

而公

故潤

州人

字

其溪

曰潤

陂蓋

不其

賢戴

公也

按唐

集有

除夜

宿石

頭驛

夜發

袁江

越陂

里父

諸詩

即其

地唐

集有

除夜

宿石

頭驛

踞其

上召

山僧

里父

諸詩

即其

地唐

集有

除夜

宿石

頭驛

錄也

前時

而遠

映者

名學

堂稱

清溪

流過

碧山

頭者

其實

而峙

者一

名福

被同

係周

仙修

煉處

又一

名石

螺峯

峯衣

浮邱

伯修

煉處

又一

名五

彩峯

漢高

祖功

臣吳

王芮

所

生地

也稍

迤而

西為

海棠

洞先

隱士

臧嘉

猷讀

書處

又

南華觀迺羅必元書屋遺趾皆此山德鄰也而山之後
松檜千餘株山石綴青點碧爲蹲爲臥魄磊而英多不
可勝數望其水紆迴浩渺走瑞洪合鄱湖入於江蓋地
不逾數畝兼撮江山之勝古人三十年肥道臨溪枕石
詎無意乎因相與浮白而歌襄陽之詩曰人事有代謝
往來成古今江山留勝蹟我輩復登臨戴公去今幾千
載安可遇我輩而名山高隱湮沒不傳乎哉金生輩躍
然領其事謀復樓賢書院之勝季典史亦慨然捐其山
若干畝出以相餉曰願還戴公余爲捐俸三十金東餘
諸生葉應華等及里居好事者咸共殫金相佐所費二
百金而美而落成矣徑從潤市傍水而入禪寺側起一
坊曰棲賢留勝歷蹬尋尺而上所謂學堂峯者爲堂三
間榜於簷之前曰清流碧山閨人李伯東先生筆也其
中仍戴公舊名曰明經堂而左右書屋各帶以短牆其
後起傑閣一諸生欲置我百尺上余曰此舉木爲戴公
毋令余續附作千古笑端名之曰寓閣古今皆寓也今
求所謂戴公者安在哉閣之下卽題置高隱戴公先生
一座左右小屋各二楹於明經堂相綰亦以短牆匝之
仍其舊稱曰曰小天台工起萬愿甲辰閏九月竣於乙
巳夏四月山前後林木峯石禁勿侵伐者卽本業
主亦坐以毀滅先賢罪古人愛其樹思其人卽潤陂之
遺亦里父老子弟意也戴公諱叔倫字幼公號玉屏潤
州金壇人舉唐德宗貞元進士仕至容管經
略使加金紫贈譙縣男山院四至列碑陰

社學三十一所

府志以上進賢

梧桐書院在奉新縣羅坊鎮南唐羅靖羅簡講學之所

山多梧桐故名學者稱靖爲中庸先生簡爲誠明先生

謝志

華林書院在華林山

舊志作浮雲山誤據府志改

宋雍熙中邑人胡

仲堯家塾

謝志

百年來

煙巖同

衣冠江左

慕家風

兒孫歌舞

詩一

詩書內鄉黨優游禮讓中孝弟筠編爭紀錄門閭天語

賜袁崇莫將六闕方朱氏葉葉蒸嘗奉始終陳堯叟

華林書堂詩旌闕書亭煥水鄉四時煙景似滄浪王漿

寒色連莎砌金障秋陰覆草堂田里從來應遜畔兒孫

遊戲亦成行吾君孝理風

天下誰識謳歌綴樂章

龍洲書院在縣西郭外宋直學士余驥建

謝志

三賢書院在北門外寶雲寺西祀宋周敦頤蘇軾黃庭

堅至元間邑人鄧謙亨建

謝志

歐陽元記洪之奉新

三賢書院者春陵周元公眉

山蘇文忠公修川黃文節公實修川黃文忠公祠也邑庠舊祠三賢以
元公嘗仕修川黃文節公實修川黃文忠公祠也邑庠舊祠三賢以
文定公謫官筠州因省其弟過洪州之筠奉新爲邑蓋
有三賢之轍迹焉故邑人慕而祠之孔子之宮更兵祠
廢世儒鄧公謙亨久欲復之未暇後至元五年己卯有
旨禁民爲蓮社其祠宇聽民佃取爲業有堂名種德者
適邇鄧氏居謙亨與伯子杞謀遂入辭於官請爲三賢
書院有司許之乃撤菽益新加以補葺中爲先聖燕居
別室爲三賢祠一如他書院制旣而講授肄習悉循其
規於是割田若干歲入得粟數百石以備聖賢饗祀師
生廩膳之資他日其季子梓宰邑安化道劉上將父兄
命具書院願末謁元爲之記竊嘗考周元公道德之盛
其出處正當汴宋承平之秋君子衆多之日而當世諸
賢指紳士唯呂正獻趙清獻二公相知文學蘇文忠黃
文節獨深企仰文節稱公光風霽月人品甚高新安朱
文公每服其知言文忠作濂溪詩有曰先生豈我輩造
物乃其徒此非深喻太極通書之旨安能爲是言哉然
蘇公之識之卓能知尊周子之學而不能知程子之賢
黃太史之辭章足以極周子之形容其行義乃不足以
獲富鄭公之識鑒孟子所謂智之於賢者命也蓋蘇黃
之知周子卽孟子所謂性歟慶厯元祐諸公之罕接於
濂溪眉山之不偶於洛學修川之不見察於彥國豈非
命歟二賢生平起敬周子之心一日著於文墨議論之
閒詎知百世同堂之祠實張本於斯焉是亦孟子之所

謂命者歟元固願士之來游來歌於是者勵其希賢之志勿諉於命務究所知謂性不謂命焉前修遠乎哉元之是記庶幾可為諸士友進修之一助云謙亨字仲謙有德望於里中杞梓克紹家學梓登元統進士第歷官以清幹聞

四賢書院在縣東門外祀宋周敦頤蘇軾黃庭堅楊萬里明萬歷間知縣馮燧建

國朝順治間知縣胡以溫重建後增祀宋廖擇沈雲舉高南壽明周憲吳一貫名九賢書院乾隆三十七年廖氏後裔移建舊址右咸豐中燬於寇

府志

吟溪書院在縣治明陰鏜建

府志

東甌講堂在馮水北順治間知縣胡以溫建

謝志

二何先生書院在馮水南康熙間邑人為知縣何嘉祐

何緒建道光三年知縣鄒山立修

府志

馮川書院在縣學西乾隆五年邑人徐光勳捐建府志

岐峯書院在二何書院西道光三年知縣鄒山立建府志

登雲書院在從善鄉咸豐元年鄉人公建府志

上義書院在奉化鄉上邨同治五年鄉人公建府志

西坪書院在富溪河北道光二十五年歸德鄉公建府志

社學三所府志以上奉新

東窗義館在靖安縣盆田明嘉靖閒陳大鴻建聚鄉族

貧子弟教之謝志

雙溪書院在學宮後舊在縣城北隅康熙三十年知縣

高克藩建額曰有造堂乾隆十三年知縣王端修十四

年知縣馮渠改今名嘉慶七年知縣汪鍾萃邑人遷今

所八年知縣馬廷燮成之道光三年邑人重修咸豐十

一年燬

謝志府志

社學四所

府志靖安以

柳山書院在武甯縣西柳山唐柳渾隱此築室讀書宋

紹興間邑人陳功顯卽其地建書院元季燬明成化閒

知縣馮琦因舊址再建

謝志府志

雲龍書院在修江東明萬厯閒知縣陳子侃建中有講

堂號舍凡四十閒後因水沒知縣朱士佳遷建西門

謝志

正誼書院舊爲修江書院在縣東門內乾隆十八年知

縣鄒應元率邑人捐建易名豫甯書院四十八年知縣

石讚韶建講堂道光元年邑人重修三年知縣陳雲章

改今名

府志

鄉學二所

府志

社學十九所

府志以
上武甯

濂山書院在義甯州治東旌陽山麓宋濂溪周子來分甯時創書院以延游學之士後人額曰景濂元季兵燹明天順三年知縣羅珉重建成化十四年知縣蕭光甫修知縣劉用禮易名濂溪書院宏治十六年巡撫林俊檄知縣葉天爵重修萬厯間知州方沆重修

國朝康熙七年知州徐永齡復修院舊有濂溪祠乾隆八年知州許淵改建祀濂溪山谷像易今名三十八年知州邊學海倡修五十二年王茂源捐修嘉慶二十二年

周澍倡修

謝志
府志

山谷書院在濂山書院右

謝志
府志

芝蘭書院櫻桃書院在崇鄉宋黃中理築二館以延四

方學者宋郊宋祁並至焉後毀

謝志府志

山泉書院在州治北社稷壇西一名鳳山書院嘉靖甲

午知州蔣芝建內有習禮聽樂句讀書算四堂隆慶閒

知州黃誥又立敬義文會所萬厯閒廢

謝志

徐氏書院宋德占築卽鰲魚亭故基

府志

鳴陽書院在延安寺後陳存之建

府志

成孝書院在長茅黃家園乾隆二十四年萬來英創建

府志

鳳巘書院在州治北秀水門內同治四年知州鄧國恩

倡集八鄉紳士捐建

府志

梯雲書院在州城鐵鑪巷道光二十四年紳民捐貲勸

建咸豐五年燬同治三年修復

府志

印山書院在泰鄉天馬塔北鄉人公建府志

培元書院在安鄉十二都同治五年鄉人公建府志

至誠書院在武鄉銅鼓城西府志

奎光書院在武鄉銅鼓城南岸初為社學道光十八年

知州周玉衡倡捐改建同治四年毀五年知州鄧國恩

修復府志

仁義書院在仁鄉六十四都道光三十年鄉人同建府志

社學二所府志以上義甯以

瑞州府

筠陽書院在府南城朝天坊宋州學基也紹興二十二

年學徒為廣福寺明正德八年知府鄺璠改建書院嘉

靖二十六年推官潘仲驂修改稱尊道鄒守益記尊道書院在瑞州市

南元妙觀右舊為廣福寺正德間華林盜起寺僧與盜
 嘯鄰郡守按之沒其廬以為筠陽書院兵火草創僅存
 其名而無士以居嘉靖己丑改為小學并其名亡矣丁
 未天泉潘侯自翰林左遷量移推郡政至則祛元兇平
 積逋廉積年教唆摘伏如神民大悅服迺詢父老稽故
 實知書院廢頽狀悵然以為己任會署筭於袁未及頓
 理也既歸自袁名實孚上下政騰薦剡令出于來進閣
 郡士嚴試之拔其尤六十八人厚贈嘉筵陶養於書院書
 院無以居至借於元妙觀侯毅然振興鳩工庀材咸樂
 義助正堂堂曰尊道示本也會堂曰同善協一也堂後為
 正學祠祠周程張朱象山陽明諸大儒昭的也四齋兩
 翼創號舍六十餘間居肆之誼也合而樹綽的也四齋兩
 書院侯躬勤以稽之勸懲以勵以貞之擇師以董之紀會以
 匡之按時以稽之勸懲以勵以貞之擇師以董之紀會以
 習津津侯復圖置學田立倉役門役與白鹿洞相悠久
 尤將濬河以為襟抱郡之俊彥告於諸薦紳曰維茲元
 妙觀一道流耳高宮崇室金碧交輝所以尊崇其師者
 如或見之吾聖人之道猶天然為吾徒者顧尊之不及
 老氏將怠與懾因之乎天假良侯以刑弼教以會於皇
 極是百世嘉績也宜勒堅珉以章往而範來祀東廊于
 發狀歎曰富哉尊道之教乎二三子信以老氏之徒能
 尊其師也算以文弗尊以實是狎而侮之也春臺大牛
 熙熙欣欣邀遊醉飽莫知其真吾儒通弊則何以異於
 兮以為無味將孰識其真吾儒通弊則何以異於

慶細旃摘經獵史繩趨矩步嘉唐虞而樂商周其器與
文足觀矣反而驗諸聖門果庸德之行庸言之謹慙慙
而相顧否果博我以文約我而禮竭吾才而卓爾否果
如臨深淵如履薄冰敢手足而知免否果戒慎不睹恐
懼不聞致中和而位育否果則德自我修道自我凝禮
爲舜而自反否果能此學矣則非仁無爲非禮無行夢
儀威儀無一而非仁發育峻極無一而非天是爲尊道
之至待人而後宏若訓詁爾章爾經義爾記誦愈博
辨之要一在無欲定性之學大公順應至於先立其大
聖之致良知不勦羣說不眩舊習雖所入有異而所趨則
同其尊敬捧持充實光輝而不可禦此七君子者由此
其選也勛哉潘侯貞率諸生夙興夜寐顧諟明命由七
君子之爲老氏所刺譏焉於以張皇國家化成之休而
實以爲百世豈獨瑞之士擅其澤乎益客歲偕劉子邦
光射於廬取瑞以歸與況子維垣廖子暹切砥全生全
采游匡廬潘子誥銓連榻三宿不能別曰駿也亦願請
歸之學而潘子書院規摹草創而別甫期成功敏捷如此
事焉方延客書院規摹草創而別甫期成功敏捷如此
非才與誠會何以感乎若梓嚮邪夫勞力費財以建嘉
績潘侯敬始之矣不勞力不費財以保茲嘉
績而緝熙勿替諸師諸士盍相與敬終之

文毀賣邑人傅孟春捐白金抵直二十五年知府周之

基奉詔重修

傅孟春記
有書院舊矣創自正德明郡

開司李吳興潘侯重修之規始備有祭田公記至嘉靖

記祠祀瀛溪明道伊川橫渠晦庵至象山陽明七先生

植標準以範士念庵羅文恭有記正學休明人文蓋斌

弢焉五萬歷初其政者喜紛更議毀書院明人亦在革

中予時居太恭人憂焉然太息曰茲地也昔子龍澤之

所何忍淪落市廛而莫可圖復哉遂捐貲二百餘金抵

其值越五年歸於郡邑置原值不問郡侯章公自於中

丞餘姚陳公侍御益都朱公暨蒲臬諸大夫欣然報可

伐石碑焉以垂永久語其放太史記中第堂舍祠垣日

就傾圯士肄業無從而作新若有待哉丁酉郡侯周公

來刺吾錫振風厲學加意膠庠察視茲院之廢曰是有

司之責也於是捐俸出醵鳩工市材命官董役圮者新

之故者葺之修其堂顏曰致道示其學之準也修其門

顏曰洞開示入德之方也修賢祠以端範修舍宇以居

不費帑與半新足稱一方之鉅麗迹所營建細大畢舉財

之藏於斯修於斯而又不踰年而告竣萃四庠之士而優餼
試程督政暇則憑軾親臨進諸生於講席娓娓辨析淵
微勉敦實踐不徒沾沾於文詞之末已也諸博士弟子
德侯甚深請予紀其事諸士誠能體侯興學之意仰慕
前賢由濂洛關閩之緒邇洙泗之源得其門升其堂入
其室若與七先生相為授受不有光於斯院乎若徒以

富貴利達為心而枉己徇人則亦自失其貴耳士可天

啟開毀天下書院知府陶履中以改建公署報明末圯

國朝康熙九年知府劉登科重建增祀潘仲驂仍稱筠陽

捐俸置田謝志縣志謹案謝志又有尊道書院云

府志明職官有潘仲驂無潘仲儒從為廣福寺非廣信寺前志誤分為二今據鄒傳兩說訂正

樂善書院在府治西宋甯宗時州守王淹建以訓宗室

子弟太祖六世孫開府儀同三司趙不黥崇祀於此謝志

鳳儀書院在府署後鳳山側乾隆二十四年知府楊仲

興創建戴震碑記瑞州舊有筠陽書院在南城奉宋之

亦與焉號七賢今太守楊公守茲郡開二載百度具舉

閔其即於墜弛且地隘乃徙建北城高廣地地故為祝

劉文成陞祠廢碑識猶存太守因以列七賢中而八又

築後楹奉眉山二蘇氏如舊制蘇劉蓋嘗官是閒留名

賢迹也於是更以新名曰鳳儀書院昭昔之日鳴鳳之

瑞引為今多士幸際聖朝之祥滿堂撰記凡規畫

創因旣其以晰矣郡之士復推本太守意乞言於余
曰往昔所爲書院也者求學士眞儒必於此焉遇蓋
時屈其地則儒先酋酋講學砥節相語以道德相勸以
躬行自來已太守愛民之立成若是於其崇七賢厥指可
得而度今賢太守愛民之立成若是於其崇七賢厥指可
時書院遷而新之聘師置弟子與學校有材是任稽舊
以儲士待國家之用以稱朝廷之造士以經術蓄道德所
然或謂今之書院萃諸生課文辭上下而已眠昔之求
學士眞儒也異則大不然夫士不選士者欲其通經不
粹不足適於化理故用經義選士者欲其通經不
欲純粹其材識然後可俾之以化理斯民克敬其事供其
職方虞夏商周之盛也士升以德其後不能不以言取
徐視其德者勢也雖以言取苟務於言之當非通經蓄
道德弗能也由有道德而能文辭者源而往者也觀文
辭當於理進而慕於道德者深而博大學焉者各有至
歧於今昔哉六經之文達深而博大學焉者各有至
或履之爲德行或抒之爲文章或措之成豐功偉績如
八賢如二蘇之卓卓著乎前多士知仰而法之則賢太
守勸勵鼓舞之誠志在是也歟在咸豐閒寇毀同治九
是也歟多士其以余言歸而質之

年知府黃廷金重修府志

桂巖書院在高安縣調露鄉洪城唐幸南容創宋幸元

龍重新幸元龍記桂巖書院在高安郡北六十里唐國

池至於慈雲過祿原巒坡盤旋至於神童林鬱而清骨

秀而豐一山自右而左者如笏外蟠兩溪一山之閒厥地

右者如帶上有祭酒幸使君祠在焉環兩山之間巖雙

邃而碧水泉清冽而草木敷茂者即柱巖也面鳳嶺所

岫出碧背慈雲千巖競秀白鶴峯聳於北晉宋神仙所

宅幕山虎踞於南實祭酒之故居煙雲吐納明晦變化

丹青莫狀昔嘗卜此山開館授業有孫曰載以咸通七

年中三史科中此二年為太子校書郎家徙於郡而書

院自是蕪矣子以嘉定辛未叨春官歸待次於林泉披閱

圖籍喟然欲復舊觀適翦草萊莖山取徑列以青松枝

以冬青半山棚小亭曰紫翠迂迴而行東至於古松祭

葉婆娑清風聞生殷殷有鳴琴聲松折而西青杉夾

酒杖履所憩村民至今以春秋祀之路折而西青杉夾

道至於舊址蘭蕙幽芳竹柳疏雅因植桂百株結草堂

數間為齋者四講肄有舍庖膳有所益國周公為大書

扁曰桂巖書院復得魏公鶴山題曰桂巖精舍日與諸

弟課書其中相勉以振魏公碑祭酒遺緒庶乎此名之不

按黃滔中和二年二賢祠碑祭酒遺緒庶乎此名之不

歲通天中茂宏丞南昌因家高安之洪城里地志載

滄州郎渤海郡而高安為洪州屬邑故柳子厚送祭酒

歸使序謂渤海幸君而林資周必大書額明成化間幸

元和姓纂載祭酒洪州人云

順迪修謝志

西澗書院在新豐鄉鈞山宋紹興間州守鮑貽遜創三

劉祠兵毀端平三年州守陳輅建書院元至元二十二

年總管高節重建謝志

文溪書院在新豐鄉宋咸淳末邑人陳仲徵建明正德

初訓導陳瓚修謝志

南媛書院在府城一笑橋西中有嘯閣明邑人吳江吳

匯兄弟所建讀書處謝志

息園書院在府城碧落山後明邑人徐瑯如讀書處謝志

槐東書院在新豐鄉槐山明正德間太學生謝廷建有

先師堂光霽亭賢遊亭退省軒竹風亭晚秀樓感道閣

洗硯池謝志

傍蓮書院在南城蓮花池上明邑人劉勵子講學處志

綠槐書院明邑人陳天成建府志

社學十四所明知府鄺璠建陶履中修今俱廢府志以上高安

正德書院在上高縣蒙山元至元間銀場提舉侯孛蘭

奚舊志作姜榮據記改創建有大成殿兩廡先賢祠明倫堂致思

堂佑善堂有六齋課士趙孟頫題額延祐二年提舉陳

以忠重新增置院田吳澄記瑞州路正德書院蒙山銀

荆揚貢金從古以然周官仲人掌其地守之以禁而取

之以時蓋順祀其資於地載其富於民而不盡括其利

於官也蒙山跨瑞袁臨三郡之境固為寶藏唐以前未

之聞宋之中世近山之民頗私其利而置場設官自因

朝始職其職者且且惟利國是圖既無治民之責誰復

有教民之意哉當袞袞與利之場而切切興學之務其

人識慮蓋遠矣然創建之初功未完而侯君去至於今

二十餘年田租薄少不足以贍給室屋日就敝壞延祐

二年夏提舉陳君以忠至祗謁先聖顧瞻憮然即日修葺殿堂門廡煥然一新塗經階除甃砌端好聖師像位龕帳案座靡不整嚴置田增租歲入可延請師儒招集十之七八其費一皆已出無所資於人延請師儒者前龍徒眾誦習其閒公退之暇躬自勸督佐其經畫者固於與路學錄鄒民則也予嘗歎天下之事誘其名而巳固其責者總總而若是若此書院之設豈徒徇其名而巳將責其實也蒙山僻在萬山之隈近於寶貨則其民貪遠於都邑則其俗陋身不遊於庠序則其民不濡染乎禮義殆如孟子所謂飽煖逸居而無教者矣故夫居之以羣居之地教之以善教之人俾學者而尤有繫於所以學其當學之事此陳君所以繼侯君之志也而諸人所以副陳君之心者何如哉是有在於學有師而不特爲士者學焉古者二十五家之里門有塾塾有師不特爲士者學焉之朝夕出入必受教而後退是以風俗厚倫紀明人親其親長其長族鄉黨相友相助相扶持焉然仁之敬自家庭達於道路雖閭巷之民莫不有士君子之行當時之教必有異於今者今之教於書院者誠能如古舊習丕變而蒙山之民新矣不然教之數十年猶夫人也書院之名曰正德而於正民德之實安在陳君之期果如是乎陳君瑞之高安人寬易偶僦重義輕財所治銀於興國所獲贏餘悉以施與客遊天京爲貴近所喜受中旨來莅是官先是官課不辦民力重困又取木炭於瑞州龍興不勝其擾爲言於當路凡場所輸殺

四之一官自買炭擾不及於二郡律已公廉而辦課優
敏公私便之觀其所責於己者若是其實則其所期於
人者從元季燬謝志

金石書院在縣學西明嘉靖十五年教諭沈學訓導凌

世華吳濂請於知府朱鴻漸始建二十七年巡按尹敏

生修明末圯

國朝康熙十年知府劉登科移建訓導署東五十年知縣

王樓修歲久圯道光五年以明倫堂舊址改建謝志

留餘書院在大東門外明萬厯中僉事李偕建謝志

聯璧書院在田北明末王徽建謝志

教陽書院在狀元洲康熙四十九年知縣王樓建今圯

縣志

近聖書院在學宮西偏乾隆十一年署縣趙頤捐俸倡

建十二年知縣周琿捐俸成之嘉慶十四年知縣劉丙

修

縣志

五之書院在學宮崇聖祠後其堂五曰博學曰審問曰

慎思曰明辨曰篤行道光十九年建

縣志

景高書院在末山麓冷水石道光十九年建

縣志

西箴書院在官路口前對末山道光十九年建

縣志

社學四所

府志以上高以

文昌書院在新昌縣治左康熙五年知縣黃運啟建

謝志

義方書院在縣治東宋處士蔡謹建室百楹元提舉胡

俊孚修

謝志

熊氏書院在縣北四都宋糧料院熊襄讀書處元末廢

今土人名曰書林

謝志

虞縣志氏書堂在五峯山宋大觀閒虞氏建謝志

梅花書屋在三十三都宋孝廉熊良翰講誦所謝志

志學精舍在十七都宋孝廉郭廷發與兄松壑弟梅莊

講肄所有梯雲樓藏書謝志

荷溪書堂在十七都元李希周建謝志

石溪書院在義鈞嶺下元提舉胡俊孚建延姚雲為山

長謝志

漆氏書堂在東頭塘元教諭漆文可建明永樂間進士

漆遠方重新一名養正書院謝志

寶善書堂在縣治東明永樂中漆用常建謝志

尉山書院在蕩石梅子真墓側明劉全曜建又名悅雲

山莊謝志

曲江書院在二十二都明太學生毛懋諫建聚士講學

謝志

四知書院在北城外明胡學新建

謝志以上新昌

袁州府

昌黎書院在宜春臺下宋皇祐五年州守祖無擇建文公祠在府學西明嘉靖閒知縣徐栻修增額改書院明末燬

國朝康熙四年守道施閏章知府李芳春重建

謝志縣志

南軒書院在府城東湖上本南軒祠宋端平閒州守彭

芳建元順帝至元閒總管張熙祖修

謝志

秀江書院在府城西明嘉靖閒籍嚴氏產入官改爲書

院課士

謝志

高士書院在府城北縣學右明萬歷二十二年知府高為表通判陳啟孫創建祀鄉賢袁京

國朝乾隆五十五年修學就舊址改建今為高士祠

謝志

王公書院在府城東門外明天啟閒王相說建今廢

謝志

六柳書院在宜春縣橫塘明進士袁魯訓江督袁繼咸

大理卿袁芳松讀書處

謝志

宜陽書院在西城舊有仰韓社學在城南朝真坊行宮

寺左後廢康熙五十年知縣江為龍就其址建書院道

光二年知縣程國觀遷今所

縣志

社學四所

府志 以

上宜春

鈴陽書院在分宜縣治後舊名鈴岡書院宋淳熙時縣令王杭遷建西郊祀周張二程朱子明末兵燬

國朝康熙四十五年知縣周開緒建義學黃太常祠側乾隆二十九年知縣楊長桂合太常祠增修題鈴山書院三十二年知縣楊國華改題太常書院道光二年知縣龔笙仍改爲太常祠邑人黃其瑚張曰杰捐地別建書院曰鈴陽卽今所

謝志縣志

社學二所

府志以上分宜以

宗濂書院在萍鄉縣蘆溪鎮宋周敦頤監稅是鎮立書院以教授後人就其地建祠曰宗濂書院

國朝康熙十三年兵燬三十九年邑人重建雍正元年邑

人增建

謝志縣志

濂溪書院在治南宋時建元末兵燬明宏治閒知府朱

華重建謝志

東軒書院距縣二里宋朱子門人胡安之讀書處謝志

昌文書院在縣西明嘉靖四十五年同知楊自治知縣

蔣時謨以縣學遺址建萬厯六年署縣事同知陶之肖

修謝志

煥文書院在縣城舊學前康熙八年知縣孟宗舜建謝志

鰲洲書院在小西門外乾隆二十一年知縣沈廷標卽

占鰲閣舊址建金鰲書院四十七年知縣胥繩武重建

易今名道光元年知縣甘恪任修六年圯十三年邑人

文運隆修縣志

社學一所府志以
上萍鄉

張巖書院在萬載縣西獲富里元臨江教授張千崖建
有禮殿以祀先聖有祠以祀周程張邵司馬六先生千
崖沒其甥萍鄉榮氏葺率族人子弟就學謝志

三峯書院在縣東門外明龍國臣建謝志

步雲書院在縣境明楊嘉和建府志

龍河書院在城北龍河東岸乾隆九年知縣嚴在昌捐

建書院於縣治後額曰龍山二十一年知縣朱崧率邑

人遷建今所易今名道光四年邑人宋壽昌重新縣志

陽溪書院在縣治東明永樂間左布政易節建謝志

吳令講堂在康樂坊康熙間知縣吳自肅建謝志

社學三所府志
上萬載

臨江府

薌林書院在府城東門外宋侍郎向子諲致仕歸築別

墅明嘉靖二十八年知府李槃就遺趾建書院今廢謝志

石龍書院在郡城南明嘉靖三年知府錢琦建今失其

址

謝志
府志

仰高書院在府學東明嘉靖二十八年知府李槃建今

名文峯樓

謝志

明經書院在府學內啟聖祠左明隆慶三年知府管大

勳建置膳田知縣陸書復增置久廢

謝志

樂育書院在郡城察院行署前順治八年湖西道蔣顯

捷建

謝志

龍岡書院在清江縣章山之陽康熙六年湖西紳士爲

參議施閏章建

李振裕記臨江之有書院自宋張洽始
立武始至明梁寅而益盛後之官是士

者則前人之澤長哉夫以政治者爲上之事以學教者爲
下之事古人蓋有政傳而學不傳學傳而政不傳者論
者遂岐而二之非通論也政學出於一者也而學之承
世逾於政君子之教思無窮容保無疆蓋不可以世計
矣孔子曰學之不講是吾憂也言游氏學於孔子曰君
子學道則愛人小人學道則易使孟子推論仁義發明
大道而其言亦曰善政不如善教之得民教又許政之
所不及者也宛陵施公分守湖湘者七年公器以理學
世其家上自濂洛以逮姚江盱江之說童而習之其官
湖西蓋以學而致非以政學者也撫三郡之暇力之所
及者殫於事力之所不及者瘠於心腹梳萬櫛於簿領
之閒不以爲勞旣董勸賢長吏敦廉樹德又日進其士
大夫與其秀良喚咻而教詢之哀古之閒爲講堂者數
處而吾青原鷺渚之會嘗千百人又別新景賢書院
以益之臨江公駐節地講席無專所士大夫咸相厥居
而公不可今年秋公以奉裁將去臨之入如奪其慈母
而失其導師相與咨嗟流涕乃建龍岡儲獻書院以
永公教澤數日遂落成郡邑之勤敏士民之趨事不於
公節鎮之日而於公去臨之時夫豈有私意哉大賢不
惜其位之去而悼其道之不行不顧其民之德我而顧
其民之自爲德使夫堂成而登其堂鍾鼓器鐸之音日
在於耳油然而禮義興解然而典星言風焉而長吏士大
愈於俎豆公邪方有輯正之典星言風焉而長吏士大

夫皆固留書院講會竟日不忍別亦可以見教澤之入人深也公名聞章字尚白號愚山江南宣城人己丑進後漸圯因改為三官祠謝志

章山書院在府學右嘉慶二十二年知府朱淦建咸豐

七年寇燬同治十一年知府鮑孝光德馨重建府志

清江書院在清江縣治東宋直祕閣張洽建謝志

金鳳書院在金鳳洲宋國子司業黎立武建今廢謝志

蕭江書院在城西門夾城巷舊在南門順治八年知縣

洪其清建久廢康熙閒移建今所嘉慶閒圯道光二十

九年知縣陳紀麟倡建咸豐七年兵燬八年知縣馮棫

重建謝志

明宗書院在府城南薰門內明崇禎九年知縣王心純

建明末燬謝志

雲巖書院在府城孝感坊康熙二年知縣張曜建

志

社學四所

府志以
上清江

高峯書院在新淦縣治東宋嘉定六年縣令黃幹建咸

淳九年縣令程飛卿重建祀幹其中元大德二年署知

州周棲梧修明嘉靖元年知縣田邦傑修

徐問記子讀
勉齋黃先生

傳而知公之誦之篤於道矣公以宋嘉定五年為淦尹
疏議宿逋網未賦及平民者數萬石有豪右橫挾前尹
弗能制公劾之遠徙暇於邑東建書院以授經生洪今
高峯書院是也逾年謁監門益通心苦思於新安先生
之學新安先生妻以女及疾革授深衣併所著書與訣
曰吾道託在此矣放其宦履終朝奉郎弗大行其志然
論朱門高弟將於西山卒道州編管而先生獨然
不及得非知時隱遁氣象深涵者乎淦有祠曰勉齋得
不常至嘉靖壬午提學古杭邵公銳過而賦曰勉齋得
新安正脈有德慈上祀法奚啻名宦所謂高峯非其地
耶子瞻曰善公乃命知縣田邦傑從淫祠之材隆慶三
復創書院命教諭王輔定祭儀品而遷主於中隆慶三
年知縣李樂改建學宮題曰勉齋祠崇正閒知縣劉拯

修旋燬

國朝康熙四年知縣胡之琳移建於惜陰書院舊址謝志

志

金川書院有二一在縣東北明正德閒提學李夢陽建

祀練子甯隆慶閒知縣李樂重修姚翼記金川書院者

尹黎公鑑創建以祀故中丞練公子甯之所也其地在

邑治東北二里前為門二重各三楹門之內為堂以愛

公之神堂之後為後堂李公扁其門以今名福其後堂

曰浩然公淦之東山人遺厝尚在而善政鄉有地三

洲者亦稱練氏宅蓋公別業也三洲故亦淦土嘉靖間

析淦六鄉為峽江縣三洲遂屬於峽故峽請於當路建

公祠淦人士以公木世居東山之麓其遇難也東山人

以公黨坐戍者至數十百而三洲無一逮者左驗其明

峽不得詭言以自附峽人請不已當路者嘉其好德之

意許並祠焉書院之建在正德閒歷歲既久棟宇傾仆

今尹臨川李公樂人供歲事顧而嗟曰此風化之所係

也不亟治安用令為遂計財鳩工擇人專董其役不再

踰月巍然煥然不獨祀事克修而往來觀者莫不瞻

以喜余乃為之喟然曰公忠於所事主亡身死惟以

盡其心而已無與於人也官斯土者乃從而崇尙之既建祠以舉祀復因其敝而新之鄉之人士又從而景慕之此何故哉天理之在人心有固然耳空同公在孝宗朝嘗以抗疏逮詔獄臨川公心純而善政它日可勉爲國家良臣而淦摺紳自公後復有淦公補者義觸逆瑞以死則繼今豪傑輩出當未可量惟子綿力薄寸濫司風教既有愧於良有司復有愧於諸人士萬歷間知縣聊因令君之請推其愧心之言以自警云

王立穀增修尋改爲練公祠一在治西南舊爲凝秀書

院

國朝乾隆二十六年知縣朱一深倡建嘉慶初圯十八年

知縣壽星保董瀾相繼修復改名金川

謝志縣志

惜陰書院在新淦縣東陶侃讀書臺下明成化九年僉

事陳琦

原作奇誤

知縣葛眞創建祀晉陶侃配陶淵明

陳獻章詩

刺史當年赴廣州詩書曾此暫淹留青燈獨對蘿軒夜黃卷頻開石榻秋嚴崗尙知擎阜蓋江帆猶似泊戎舟

英雄千古高臺在
劍氣崢嶸射斗牛
崇禎五年知縣周文允修

國朝康熙元年參議施閏章講學臺下知縣胡之琳重建

移黃幹木主并祀

謝志

社學一所

府志

以

蒙山書院在新喻縣蒙山麓宋司業黎立武建倣嘉眉

故事禮先達以主試月講季課春秋行釋菜禮四方學

者雲集及院廢鄉人謂其地曰狀元講書堂

謝志

石門書院有二一在蒙山明洪武初梁寅建寅晚年結

廬石門山聚書遺子孫名曰書莊

梁寅書莊記余山巖之土少好文籍迨乎

中年稽古益久窺道頗的則又因多暇而好論著夫躬行之士不務於立言然恥沒世而無聞亦往往舊是今迨歸出野十五六年之間索居無所為因思託之言以傳來世前讀程朱易以其粹經意殊乃融會二家合以爲一謂之易參義於讀春秋也病傳之言異褒貶或過乃因朱子之言雅論事之得失謂之春秋考義及歸宅之後於書也以蔡氏傳之詳明而始釋其略謂之書義

義於禮記也以其多駁雜唯取格言以類而分謂之類
也禮於周官也芟剔其註使其明暢謂之周禮考註於詩
史以待朱子之傳演其義而申之謂之詩演義又稽申以
己意謂之論林閔時俗之失則綴論古道略示勸戒謂
之老言憚集古之格言芟取其大要易於覽問謂之史略
復嘗類集古之格言芟取其大要易於覽問謂之史略
之以傳或繕寫以藏暨凡所得書皆聚之一室故號書
莊焉蓋曰家之恆產寡薄使子孫能守是莊亦足以贍
生非徒夸其多而已也凡人之生世必有裨於國必有
益於民故為公卿為百僚為將帥為守宰又其下為
吏阜隸為農工商賈皆不徒衣食必資其心與力以為
衣食焉吾為士者乃衣食於人心不勤力不瘁非蔽民
者邪所謂莊者田舍之稱也杭稻菽粟之所藏也吾無
田以授杭稻菽粟而所藏唯書子孫守焉無租稅無
需而學之成也又足以應上之求贊時之治是吾之不
念乎孫而不立產業所藏唯書乃所以深念夫子孫者
嗟夫山之為石者有銀之礦而緣生焉有鐵之礦而朱
生焉然則家之有書而後嗣之能學亦理之然也若夫
有書而或怠於學者人也學之成而祿不及者天也
子孫者又當盡乎一在城東保障坊右卽石門祠嘉靖
人而聽之天可也

末知縣祝爾慶創建秦致恭繼成

謝志

帝初定

張春記高皇

四方文學之儒分局校定織鉅禮儀法制以成大典與
是選者吾邑梁石門先生其一也先生諱寅字孟敬居
渝北蒙山之陽值元政昏亂雅不欲仕敦行實以先鄉
里嚴模範以率生徒袖釋經傳潛心經學筆之於書易
曰參考書曰纂義詩曰演義春秋曰考義禮曰集略經
生宗之故雖布衣章帶而名徹寰衷召至京師命典禮
局蓋諸局之首特畀以繁重云事竣授之官辭弗就歸
老故山葺理舊業畜養日逮著述日富從遊日眾聘司
江右文衡者三所得皆知名士年八十有七而終學者
稱爲石門先生祀之於鄉賢祠家故貧無田產以庇後
人一再傳儒業罔克紹者遂爾落莫垂百餘年三衛修
菴祝侯來宰吾邑獨致意焉侯嘗語人曰孔孟六藝之
道至秦坑焚之禍慘矣微諸老宿分抱遺經竄伏誦習
遞傳世述不失其業則眞言奧義有不容爲浮埃散爲
稿葉莫之可收拾哉當其時詩則申公轅固尙書伏生
易田何禮高堂生春秋胡毋生相授守以不墜之數子
之有裨聖教不爲不厚若梁先生者其斯人之儔歟雖
然數子各司一經乃梁先生兼之說本程朱義從簡易
聖朝之纂修大全頒降學校俾師生遺守者率由於是
則羽翼聖經當軼漢儒而上之喻之有先生豈非今古
一偉人哉顧今邱壠莫之封植後裔莫之省問而又弗
克享一室之奠誠小子之所隱也侯之言若此然初下
車諸多所闕略未遑輕舉比及三載心力殫矣上下字
矣民之所不便者罷矣士之所便者舉矣乃始議書院

事得隙地於東郭門之右面官衙背道院前為門題曰石門書院中為仰高之堂後為寢室奉先生神主棲焉左右為廊廡續以周垣規制遂密費皆侯自措處擇民之尚義者二人董其役而屬典史周伯康督之皆能仰體侯盛心夙夜從事不逾月告成以勞舍先生之裔孫以奉香火設門子一人以司啟閉而又治先生之墓所翳者除傾者培侵者歸鳴呼候之於先生可謂無所不用其情者矣工甫畢侯以權任行所本偶者不及為而已成者將就祀四明墓雲管公借守吾郡命新任秦侯重加修葺刻期完報聚諸生誦習其中且錄文之未鐫者樹石以紀歲月以垂永久云

緱山書院在東門內孤緱山下康熙三十二年知縣李廷宰建五十六年知縣張景蒼增建乾隆三十四年災

知縣鮑吳條重建

縣志

瀛洲書院在虎瞰山首咸豐元年知縣張方矩創建

府志

社學四所

府志以上新喻

求仁書院在峽江縣鳳凰山巔初為自靖祠祀明練子

甯嘉靖閒知府錢琦建三十六年署縣事通判何堅改
建於山麓知縣王陳策濮桂相繼成之

謝志
縣志

觀瀾書院舊在大安橋北明萬歷三十一年知縣鄭耀
建歲久圯

國朝康熙十二年署縣事通判許廷瑜購城東民房改建

五十三年知縣林昇烈增建廳事乾隆三年知縣徐士

依遷建鳳凰山麓按察司行署故址二十四年知縣余

丙增建四十一年知縣鄧廷楫遷建萬壽寺側

謝志
縣志

社學在望江樓下明嘉靖閒知縣朱簞建今廢

府志
以上畝

江

吉安府

白鷺洲書院在府城東白鷺洲上宋淳祐元年州守江

萬里創建理宗御書額立文宣王廟櫺星門六君子祠

祀二程周張邵朱又有雲章閣道心堂萬竹堂風月樓

浴沂亭歐陽守道爲山長置田租八百石有奇繞城濠

池歲入租銀五十兩贍學徒景定四年山長黃嘉建山

長廳於城東南祥興二年山長曹奇立古心祠祀萬里

元至元十九年水圯總管李珪修延祐間有奉浮圖教

者在書院旁山長余天民白總管毀之立復古亭至正

十二年寇毀十五年達嚕噶齊納蘇爾丹原作納速兒丁修明

初燬嘉靖五年知府黃宗明興復二十一年知府何其

高遷南關外仁壽山稱白鷺書院羅欽順記閩中何侯抑之守吾吉之明年

百度一新尤加意學校恆念諸生散處躬勸弗克周乃

作書院於城南聚九邑之士之敏於學者食而教之勞

來殷勤亦以爲散處者勸也閒屬某爲記欲因以申勸

諸生既以毫荒辭而俟未肯達釋及今擢總山東磁政

復以書來申前請願誠老矣將何以爲諸生告以副吾
侯之盛心乎蓋嘗讀孟子書與聞知天事天之訓竊以
聖門之學其大要殆不出此二言在聖人則不思不勉
而裕如在學者則必仰思聖謨積勤不懈然後可得而
至詩云昊天曰明及爾出王昊天曰旦及爾游衍又云
無曰高高在上陟降厥士日監在茲非眞知天者不能
爲是言也詩云離離在宮肅肅在廟不顯亦臨無射亦
保非嘗從事於事天者其形容文王之德必不若是其
精密也今之學者有能灼見夫天明不離乎出入往來
之頃嘗昭著於人事之近者乎有能幽暗者乎若天自天我
功一以文王爲法而不肯欺於幽暗者乎所謂講學者
自我判然不相屬而蕩然一無所忌則凡所講學者
名而已矣然吾未見虛名之尙而實德之有成也於戲有
志之士其可不思而又思勉而又勉以求造夫知天之
域而盡其事天之實乎得之此聖門之實學也書院憑
下之民則爲正大光明之業此聖門之實學也書院憑
高而宅勝嚴城翼其左通衢互其右贛江繞其前共隆
然盤礴江中者白鷺洲也宋江文忠公萬里爲守時始
作書院其上僅三十載輒壞於洪流其後再修再壞竟
爲荒壤今之所卜蓋所謂用降我凶德者其地舊爲府
館及僧刹侯皆有以處之僚佐贊其謀監司雖其議爲
屋大小凡數百楹名雖仍舊而實則新作也其制紳楔
前起表以書院之名次爲聚秀樓下設關鍵卽大門也
次爲儀門門內有廊中爲崇政堂後爲通軒爲雲章之

開閣與堂皆有夾室儀門外兩序各啟側門左達尊德
齋右達集義齋附齋兩旁是為書室堂齋門閣以間計
者各三而深闊不等書室以間計者二百則廣狹如一
儀門左右及兩齋之後皆有憩廳閣後隙地則為江文
忠公祠為道心堂時雨亭皆因地勢而面南庖湍稍近
適軒左右分置基周圍總若干丈其費凡若干金皆取
諸公帑之餘間緩之入經始於嘉靖甲寅仲夏踰年工
乃告完士夫之得於達觀者罔不嘉悅嗟乎侯所望於
諸生遠矣將來以其有本之學出為時用誠一志於天
下而不為其身圖計也偉然足以迓天休而慰民望其
有光於吾侯之盛舉也可勝道哉凡有德於斯者皆所
宜深念也若夫維持其理恆如一且以與郡邑之學相
為表裏俾人材日盛風化旁流後之置學田尹嘉陵何
君子未必不以為分內事無庸贅焉置學田尹嘉陵何
公既興修吾吉之白鷺洲書院成大召九邑士使游其
中以相觀道藝於有就也邑士之應牒策來者亦罔
不忻然慕類而簪合矣公曰感哉士之聚於學也夫
吾居之弗能食學將累焉聚庸何久乎乃出罰籍之金
若干緩創田若干畝以饒士之來學者命曰學田也欲使
司歲掌之而屬子為之記余惟公之以學名田也欲使
士食焉而思其學也學至乎道焉爾矣是故士之於道
也猶農夫之於田也農夫欲治其田則不可廢耕稼之
務士欲求至其道而可忘學乎哉昔先王之理天下也
畫地而井列之則黨庠遂序國家之教立矣誠以人之

有道也逸居而無學幾何其能人乎故自天子至於庶人莫不由學建國之四民拔夫材之俊者爲士士所守業學又其專焉者也今夫農夫早作夜息閔然耕稼之務不敢一怠其功於田者彼誠業有所專矣士之於學乃或異焉謂能守士之業也得乎故士自幼至長及至耄焉所治無非學之物也故學之於耳目心志手足之舉六藝之文猶農夫之播也學之於節度猶播而欲其長也措而有絃匏干羽升降俯仰之節度猶播而欲其長也學之於敬孝禮讓而有朝聘喪祭鄉射養老之儀猶長而欲遂之也學之於莅官守政而有考藝選言受成訊囚獻馘之法猶遂而欲斂其穫也夫農弗專稼則他技能害之士弗專學則異道能惑之士惑於異道不可揀反矣田之穢農夫則知治之學弗至乎道士乃忘其所究取焉是士之學道不如農夫之學弗失業於田也得不作公之學田矣乎邇后稷之禱有相之道弗厥豐草種之黃茂士饒乎田而不由是說以進於道殆食焉不思其學者也然則公之創是田也豈以萬歷十四年知縣待夫士之食焉不思其學者乎哉

錢一本修二十年知府汪可受遷復洲上故址劉應秋記洲在

郡治之東踞江中流延袤數里狀如游龍青原神岡天瑞諸峯左右拱挹入其抱贛江合瀘禾二水猶潄而西小者洄瀾大者澎湃出乎焉履之下居然郡中一形勝也自宋江文忠公萬里守郡以吉州爲二程夫子過化

之地卽洲建祠祀六君子創書院以居諸生
焉額置山長於是洲名著稱後與金陵均
水已又燬於兵遷修廡遷不常有司僅存
故事故阻日願半爲鮫室殘碑斷碣時
水渥之閒論世者然太息未有議其興
蔣山川有侍而靈邪太守汪公來治郡
簡公庭多暇孳孳以化俗作人爲事務
課肄而手校之閒者進而與之道古誼
學斌斌自喜以爲得師則聚族謀曰有
而旦夕哉夫非白鷺再造之一會乎退
其議相率以請於公公詭觀之躍然若
廢振敝甯異人任亟請於當道成報可
工庀村剋日而興事增庫塾敬壘石爲
十五丈廣視修十之六南有重門北有
有池有亭堂曰道心樓曰風月閣曰雲
應亭曰浴沂皆仍宋時故額而總署其
院云閣高五丈翼以闕楹可眺杏障環
碧朝旭夕陰花雨霽雪千姿萬態靡不
龍席几之間書院之大觀備矣前乃爲
夫子而以一峯整莠二羅先生配之又
謂道心堂也閣之後植竹萬竿洲水支
濯可風是爲浴沂亭門以外爲月池環
百楹擇九邑之髦雋講學於此當兩吳
者三曰理學忠節名臣斷自歐文忠楊
忠襄周益國而

下若干人皆揭其爵邑姓名以備一郡俾觀極臺而南
聚水築隄以捍衝決廣三十丈有奇周五十丈有奇高
稱臺倚臺而東建菴曰淨土沙門守之起自壬辰十月
落成於甲午三月帑不費公調不程民郡人士莫不色
喜以公之命屬秋勒石記其事汪公名可受字以虛起
家庚辰進士其爲守廉明而有至惠治狀直追古人當
別有表著
不具論

國朝順治三年湖西道楊春育署府晉承露修五年寇燬
十二年知府李興元修復康熙三年知府郭景昌知縣
于藻修尋圯三十年知府羅京修復五十二年水圯雍
正二年知府吳銓知縣塗宗震修復十二年知府徐亨
時清復田租置祭器乾隆二十年知府王銘琮捐增甬
火三十八年知府盧崧建逢原堂擴號舍嘉慶十八年
知府張敦仁修道光三年知府鄭祖琛八年知府劉體
重均修咸豐六年寇燬同治七年知府定祥遷建城西

仁山

謝志
府志

依仁書院在府城內路水橋明李邦華建以講學黃道

周侯峒曾題額

謝志

青原會館明正德閒王守仁令廬陵講良知之學於青
原山厥後鄒守益羅洪先聶豹歐陽德王時槐胡直劉
方輿劉文敏錢德洪劉元卿王畿甘采相繼會講創傳
心堂於僧舍右又建五賢祠祀守仁配以鄒羅聶歐陽
萬歷閒鄒元標劉同升郭子章又會講移五賢祠傳心
堂於谷口之陽旁建九邑會館

國朝康熙閒湖西道施閏章重新傳心堂五賢祠左右建
書室室各有樓曰仁樹曰見山祠後增明德祠祀鄒元
標及創傳心堂諸賢立賢域祖關二坊

府志

光祿書院在廬陵縣清化鄉富田宋開寶二年邑人劉

玉建

謝志

鳳山書院在郡城西宋紹定間曾宏甫建初名別墅清

祐開拓為書院元至元開設山長大德閒罷至正三年

縣尹管文通修

府志

鳳岡精舍在永和鎮元延祐元年詔興學校七年邑人

陳孝祥楊應星建奉夫子燕居像以曾子配元末兵燬

明洪武六年稅課使魏秀倡建七年知縣王泰捐俸成

之二十七年邑人吳楫建文四年邑人曾子魯均修正

德閒遷建獨巖後圯於水

國朝乾隆五年邑人蕭有進等復遷永和鎮易稱書院

謝志

志
府

西原會館在西門外能仁寺左初爲詩人堂唐州司戶
杜審言詩社也宋元以其堂祀審言明隆慶閒王時槐
陳嘉謨賀汝相繼講學其中萬厯十一年改創會館崇
禎二年災知府吳炳倡捐重新謝志府志

明學書院在淳化鄉鶴隴明邑人曾舉倡建爲廬陵之
淳化儒林泰和之仁善三鄉義塾祀南唐羅輯宋胡銓
周必大文天祥明顏伯瑋五君子明末兵燬

國朝乾隆五年鄉人修復光緒元年重修謝志府志

景賢書院在南關外仁壽山舊縣學址先爲景賢堂祀

明王守仁

國朝康熙五年守道施閏章建書院十四年寇燬謝志府志

梅溪書室邑人羅宗智建以藏書教子孫又推以及鄉

之俊秀謝志

石陽書院在城東南鐘樓右乾隆九年知縣錢界建於

學宮尊經閣尋被災道光三年邑人蕭魁斌重建咸豐

六年寇燬同治十一年邑彭氏移建舊院右府志

社學十四所府志上廬陵以

匡山書院在泰和縣東匡山下南唐里人羅韜建宋重

和開孫羅宏修明永樂中裔孫羅汝止重新萬曆三十

四年羅講修

國朝廬陵張貞生闢舍構亭謝志

龍洲書院在縣治南澄江上亦名鷺洲書院宋嘉泰二

年縣令趙汝暮建謝坊得跋廬陵郡屬邑泰和有龍洲

大丞相文忠周公記之或謂文忠曰邑有學矣非貧乎
文忠曰三代盛世自王畿建於六鄉六遂為學者二為

序者十一為庠者三百諸侯三鄉三遂庠序嘗半之
塾滿未論秦和子男邦也略考國籍浮圖之居百區老
子之宮亦十五區而額存屋廢者不與焉歐陽公著本
論謂三代之民不從事田畝則從事禮樂不在其家則
在庠序是以王者之政明聖人之教行雖有佛老無自
而人今也昔之庠序皆轉而為寺觀何不疑於彼而疑
於此也是邦先賢所以主張學校如此白鷺之於鵲洲
同此章貢水也周文忠公即世四十有八年而有書院
於此書院之興與郡庠相望一水設謂教化有不切能
以資目之雖然由文忠之說則吾邦雖復數書院猶以
為不嗣圯於水明宏治中知縣楊南金改濟渡菴為之
足也

仍舊額

謝志

雲津書院在縣南龍洲上宋嘉定間邑人劉逢原建迺

原銳意正學鄉人爭師之

謝志

文溪書院在縣治西二里宋邑人曾有憑

舊志作季永係有憑字據

縣志建尋廢明宏治間知縣楊南金改西溪寺為之

謝志

改正柳溪書院在縣治西白鶴觀右宋嘉定間邑人陳德卿

建謝志

樸山書院在縣城西元邑人嚴用父建明初其從孫從

禮重新從禮孫士臧復建

彭百鍊記有宋秦和嚴方子

學咸淳中丞相江萬里馬廷鸞愛其書發前賢之所末發足以羽翼經傳乃爲上之於朝藏之祕府而授先生祕書省校勘學者師尊之稱爲樸山先生至有元盛時其子用父乃建樸山書院於邑之城西聚學童於其中以講易說而以白鹿洞之規行之已而書院之盛儼然與石門嶽麓相先後不二十年燬於火淪廢者幾六十年國初用父之從孫國子學正從禮仍揭舊扁於私塾迄茲有年今其孫士臧士正復建書院於其所居之側日與其家之子弟績學於其中思所以紹復先世之業乃來問記於余夫易之爲道古之聖賢所以紹復先世之業者以其上下貫通非有高遠難行之聖賢所以垂訓於人其事則窮理盡性之學斯在服勤就養而盡其職用存神知化之妙已存不踰乎室廬戶庭之近而天地萬物之奧已具不外乎耳目口鼻之用而陰陽鬼神之微已通嚴氏之子弟游息於此以承其先志因其志以求聖賢之旨則亦何用而不臧哉自是而益勉焉內以成乎己外以及乎人使書院之復千載如一日嚴氏今建縣之學百世同一心余於士臧兄弟有厚望焉

署巷左

謝志府志

清節書院在縣治北門迎恩坊右元至正七年蕭繼文
建祀宋清節先生蕭楚配以劉子澄曾如驥置田聘師
教四方來學者元季燬謝志

武山義塾在汶溪側明洪武初蕭執建

劉崧記塾者何

也塾而謂之義者何將推其教於家者以教其鄉人之子弟也義塾而名以武山者何所以著其鄉之望也自學校廢而師道無所統於上乃有往教以瀆其分者矣贊信廢而弟子之職無所修於下乃有棄禮而隳其業者矣夫一畝之宮十挺之脩若甚微且薄也而其舉廢存亡之機有關於人心世教甚大且重也如此可不謹哉國家稽古崇文內建監學以教京師外設學校於郡縣以教天下其鄉社之遠而不能自達於郡縣之學者又爲之度地量數俾各社各師生以廣其教焉法可謂至備矣然而遠近異勢公私異宜三尺童子卒然起草野聞耳目眩愕曾東西之莫辨而有司急於奉承不擇可否一概驅而納之防範漫率之中又從而束縛之馳驟之民乃有抑子弟焚筆硯易業爲工技爲商賈遑遑然望學舍畏而去之者矣朝廷知其然乃卽凡社師之

遠而在鄉者悉罷之而不聽民之自便夫謂之自便則其
學與否一聽其自爲而不以官府律之德至渥也或者
不察其意遂使深山長谷雖人煙輻輳而雞犬聲聞者
亦罷止之迄十百里目不覩青衿之飾耳不聞絃歌之
聲豈理也哉前國子學錄蕭蕭君子所才敏而志逸自少
時已遊學四方嘗讀書武山入天朝以洪武四年用詩
經登上第官太學俾分教公侯卿大夫士子弟之俊而
秀者旣三年而其親且老矣君慨然力丐歸侍諸公貴
人憐之凡三四上乃得請及歸也其鄉人子弟嘗習君
之學之素而尤慕君昔之教大學有成也乃相率具費
修弟子禮日于然以闔其門君拒之不可則相與謀
結茅以從而風雨寒暑卒未有爲之備者明日里之士
蕭君鵬舉聞之欣然曰是義舉也我不可無以倡之乃
卽君之居旁相地之可宅與田之可耕適得若干畝於
汶溪亟書諸券而歸之俾有以爲教養之地又明日廬
陵王伯衢兄弟聞而踵之又爲之助山木穀粟若干俾
相其役越明年庀工告成其徒某某等相與落成之君卽
以前在監學時得今翰林承旨宋公濂所爲書扁刻而
揭之而具狀介其友鍾舉善來請余爲記書塾在武山
之西十里卽所謂汶溪者山明水秀負艮而面坤爲屋
凡若干楹高深廣各若干尺中爲正堂朔望率弟子
行鄉飲禮誦法講肄之所其旁以栖來學人前爲正門
門之外爲橫道道東西榜以攀桂几槐柏桂竹榆柳之
屬皆羅植而周列之其始終相成之者則蕭文學也

南薰書院在縣東南桃源溪宋蕭行叔建明蕭安恆修

府志梁潛記泰和東南三十里有溪曰桃源溪之中
有石崇曠而夷如砥曰石臺蕭氏居溪上咸且數百年
矣自國朝初安常處士諸昆弟席先世之資而喜與名
士遊士往來桃源者益眾時東園劉先生子彥以博學
篤行館授焉其兄尚書公之老而歸也亦時過之東
園公為名其齋曰南薰書院尚書公大書以揭其額於
時桃源石臺之間蓋燦然有光耀焉自是教於書院者
相繼必賢士其子弟嘗受業者曰德顯德嘉德貴德資
今皆然偉出而東園去而仕於時沒已二十餘年矣
安常之沒亦既十餘年而子弟之益眾講學之益盛談
道德而頌詩書者未有過於今之時也此閭里之美事
而豈獨蕭氏之盛哉永樂壬辰春邑士陳公培為之教
公培尚書公外孫也於是德顯兄弟念先志之勤篤思
東園公之惠顧欲不墜其緒因公培屬子記其軀立之
始夫自三代之際黨庠術序家塾之教遍天下而後造
之士升於王宮國都者必自其鄉故居於家而廉恥之
道立仕於時而仁義之政修後世鄉閭之教廢存者獨
州郡之學耳至於白鹿鵲湖岳麓諸書院雖當時大賢
自相講學然斯道之振起尤有賴焉今南薰之建蕭氏
特以教其一家子弟耳而有古人黨塾之遺意又况夫
尚書公昆弟風聲氣烈之未泯者猶能使人興起而德
顯兄弟嘗親炙而聞其議論宜其拳拳有不能忘者顧

予言之陋易足以永前哲之澤於久遠哉苟它日有自此而達於郡邑上於太學赫然有名於四方則書院不為徒設矣書以饒於石俾來者勉焉

萃和書院在儒學右大塔寺故陞明嘉靖三十九年邑人郭應奎建萬厯閒知縣漢中王修後燬

國朝乾隆十五年邑人重建咸豐五年寇燬同治五年知

縣田大年倡復

謝志府志

靜齋書院在縣城南龍洲上明嘉靖六年邑人陳文鳴

卽休笑菴改建

謝志

羅欽順記靜齋書院在縣城南龍洲之上御史大夫陳公文鳴之所

建也其地四下而中隆然以高舊為高瀋寺後更為休笑庵正德閒詔毀天下額外寺觀公因從有司得是庵以靜齋書院榜其門既乃益市旁近地以拓其規并得所謂蓮池者嘉靖丁亥始於池南藝石作基作高派草堂三間堂前有軒名以觀蓮後有園植之花木凭軒而望則邑之城郭樓臺懸懸可見池久荒乃雜取蓮根時之花每歲開紅鮮白瑩瀾增草堂之勝歲辛卯始撤庵之故宇鼎建綠野堂三間堂左右為夾室後為重屋庋

書其上扁曰萬卷樓其周垣皆甃以堅甃附兩夾室爲
廂房各五間以居游學者前門表以綽楔下臨月池旁
有古樟一株大可蔽牛足爲風詠之助庖湍有所守護
有廬蓋經營累年而規制始備靜齋本公別號因以名
其書院焉公自幼穎悟超羣踰冠卽舉進士高第改庶
吉士儲養於翰林學益博文益工名益著初授刑曹主
事累擢今職嘗督學政長藩臬佐南銓所至皆有聲兩
唐撫循重寄風紀大振厥施益普偶感微恙輒騰疏乞
休欣然語人曰吾聚書萬卷嘗恨無由徧讀今之歸可
以足吾之所好矣家居垂十稔往來書院之日歲常大
半卷不停披筆不停揮集解五經多至百卷次第皆脫
稿旁蒐約取率有定見而不爲苟同明道之功於是乎
在君子是以知書院之非虛器也近世以來異言滿耳
離真失正而終莫自悟後生小子幾分一席寓一榻於
斯日間公之緒論以弗迷其所向又非幸歟道愈尊澤
愈流而愈遠宏規雅制固宜永存而弗壞也抑嘗聞之
吾儒終身之事學與仕而已矣公茲年甫踰耆才力優
裕尙當勉爲蒼生一出益摠素蘊以宏濟時艱民望旣
酬然後從容奉身而退優游絳野之堂以享有臺池花
木之樂未爲晚也余雅慕公好學兼喜變佛刹爲儒宮
常欲一游相與講其所聞以多病未果公閒具書并事
目授其嗣子上舍生曙俾來謁記雖文思荒落而訥無
可辭輒強顏承命望漏之誚知未能免公姑取其大意可焉

清風書院在縣南四十里明宏治間知縣楊南金毀螺

山淫祠建

謝志

求仁書院在覺堂寺右明萬厯初里人爲胡直建後燬於寇

國朝康熙閒里人重建

謝志

縣志

謹案謝志誤入吉水今改正

澄江書院在東門內快閣右道光二十八年知縣沈衍

慶率邑人建

府志

雲亭書院在雲亭鄉乾隆三十六年鄉人楊俊等建於

曇花菴側同治閒遷建今所

府志

千秋書院在城西門外同治七年千秋鄉建

府志

槎江書院在十三都華蓋山下同治八年建

府志

社學二所

府志

上泰和以

仁文書院在吉水縣泮東坊初在東門外爲文江書院

舊址明萬曆十一年知縣徐學聚建鄒元標記縣庠水

汪洋淳蓄左有地隆然高阜相傳爲鹽倉嶺俗名東義

倉倉徙入官棚文江書院萬曆庚辰余居泮隘以俸易

院市地歸民開海甯陳侯令茲邑謂余居泮隘以俸易

而歸余爰未余濫塵省垣以復書院請上報曰可余折

簡歸其地於侯已侯升比部去蘭溪石樓徐侯至余中

之曰此故辱名禮讓之場荆莽蒙翳久矣開茲堂與以

待來學其侯今日事乎幸無讓侯乃筮垣製以重廊視

義士婁世潔董其事爲屋三層綵以周垣製以重廊視

昔倍加宏麗名曰仁文書院謂吾邑仁峯萃畢文水縈

迴館介其間又取留子輔仁會文之旨令多士知所取
裁侯意甚感美余謹握管爲之記曰粵稽上古學校庠
序上無異教下無異學樵釣屠販卽人而道在卽地而
學寓書院古未有也宋諸大儒出闕明聖緒如白鹿
爲湖石鼓嶽麓皆其過化名區後踵其迹者書院遂徧
域中亦做黨庠塾序餘意輔學政之所則盼子弟之所
廢弛土師之所督責父兄之所則盼子弟之所傳頌惟
估畢是習稍一談正學羣相訂諱以爲是不利進取至
書院非齊明威服不臨非仁義不談咏斯游斯有不利
然內媿勃然神悚回心嚮道者非夫也夫學難言矣夫
子以正學爲七十子依歸得其宗者莫如顏子觀其問

仁曰克己復禮爲仁其自敘曰夫子循循善誘博我以文曰言仁則未嘗及文曰博文則未嘗及仁茲得無岐而二之乎雖然夫子所謂仁者非枯槁寂滅之謂義禮智信皆仁也宇宙之至文在焉所謂文者非泛濫文章之謂視聽言動皆文也吾心之至仁生焉仁也者卽性也禮也文之樞紐也三代而下善學顏子者莫如程伯子曰學者先須識仁又曰不須防檢不須窮索存得便合有得而世之識仁者以窮索爲妙悟以防檢爲戒慎而仁愈遠嗟乎非神明默識之君子仁未易言矣漢高祖劉魯魯諸儒講誦絃歌不輟故曰齊魯文學自其天性余吉彬彬海內稱爲鄒魯往學禁方熾獨余吉不少變仁爲己任繼往開來吾於諸君子有厚望焉元標進未得行斯道於朝退願得行斯道於埜仲鄉子弟孝友忠信離離翼翼庶上不負今天子明聖之世下不負良有司振作之美而余瞻瞻欲開斯地之意庶幾其不孤也歟

柱修

崇禎十五年知縣沈中

國朝康熙初守道施閏章重建六十年邑人移建城內祀鄒元標及弟子一百有八人乾隆八年知縣徐大坤修道光八年邑人蕭敬先式金移建龍華寺左尋燬二十

六年邑人遷今所

謝志府志

白雲書院在縣治北宋邑人陳子張

章一作建謝志

礪溪書院在同水鄉宋周澤之建

謝志

龍城書院在七都宋曾三異建三異嘗與朱子論操著之數學者稱雲巢先生

謝志

崇桂書院在二十都烏江宋咸淳四年建明鄒元標講學其中崇禎十年李世元修

謝志縣志

文昌書院在文昌鄉元翰林編修王相建以教其鄉之

子弟及四方從游者明初王氏修

謝志

白沙書院在文昌鄉元白沙張氏建

謝志

仁山書舍在城南文江明洪武初邑人劉惠庭建其子

子齡增構館閣聚古今圖書以待來學者

謝志

竹林書舍在縣城明洪武間邑人陳秉獻秉哲讀書所

謝志

養中書院在縣東虎邱山明正統間知縣劉成建

謝志

復初書院在縣西門內明毛伯溫故居知縣陳玉輝改

建書院祠之俾諸生講業其中

謝志

瀧江書院在文昌鄉明萬厯間知縣沈裕

一作裕昌

建

謝志

同江書院在同水鄉明邑人曾同享建

謝志

江陽書院在五都元潭明邑人建祀羅洪先

謝志

泮東書院在儒學右明鄒元標會講地邑人建

謝志

曲江書院在三曲灘明羅大紘建

謝志

石蓮書院在阜田墟背同治八年同水鄉建

府志上吉水

以

恩江書院在永豐縣城隍廟右明時創建於學宮西久

圯

國朝乾隆二十八年知縣張紹遷學宮下關水南五里許
三十年知縣黨兆熊增膏火五十八年知縣田懋仁遷
今所咸豐五年寇燬同治三年邑人修府志

皇寮書院在二都渝洲唐吉州通判劉慶霖流寓永豐

建以講學其十二世孫炎修謝志

清風書院在秋江宋邑人劉禹錫仕至湖北提刑治熙

閒致仕歸築清風臺後改書院謝志

湖頭書院在縣治西宋邑人金汝礪建明永樂五年金

氏裔孫從緘修

國朝乾隆間裔孫協泰重修謝志

武城書院在縣西三十里龍潭元延祐四年里人曾德

裕創建

府志 吳澄記武城書院吉禾豐曾氏之所建也其名武城何本曾氏之所自出也按史記仲

尼弟子曾參南武城人其苗裔有自魯國徙江南者故

南豐之曾追述世系以為曾子之後而禾豐之曾始盛南

蓋武城之曾感於宋又百數十年而禾豐之曾繼成兄弟俱

仕翰苑其父前進士宋之監察御史元之儒學提舉也

因子貴追封武城郡伯於是設書院福先聖先師以及

其考以處宗黨來學之人翰林之長移文集賢院轉而

上聞朝議可之俾推曾氏子孫之儒而賢者掌其教予

自京師歸而曾氏請為記其書院興創之由予觀前代

書院皆非無故而虛設者至若近年諸處所增不可勝

數襲取其名而為請於朝者且以上傳道統下繼祖風其

先師之旨而為請於朝者且以上傳道統下繼祖風其

待之至厚責之至重豈可復如他處書院之有名無實

也哉然則武城之教宜何如學曾子之學可也曾子之

學大概切己務內無一毫為人徇外之私必孝弟必忠

信行必無玷言必無僞使近而宗族遠而鄉邦萬口一

辭稱之曰君子而後可以庶幾焉不然有一疵疾人將

譏笑而徒以涉獵故實飾詞華為學恐非所以繼祖

風也況於道統之傳而敢輕議哉澄也氏雖非曾而所

願學者在此用敢為武城後世之子孫勉武城伯名臨

顏翰林直學士名德裕者其仲子也

應奉翰林文字名巽申者其季子也

應奉翰林文字名巽申者其季子也

應奉翰林文字名巽申者其季子也

志歐書院在平湖側元延祐元年邑人曾靖翁建有殿

廡講堂四齋左爲歐陽修祠置贍田五百畝生徒常百

餘人

謝志

陽豐書院在縣治北藥師院後元至元二十九年邑人

陳應沐與弟起鳴起元建規制如儒學延祐間遷西市

賜額

謝志

浮雲書院在遷鶯鄉鶯溪雞山之陽初名道院元邑人

劉鶚建

揭傒斯記余方竊祿周行進不能有神於時退

起而四顧茫然自失渺然而客有言浮雲道院之事者乃

吾所居郡曰廬陵邑曰永豐是爲歐陽文忠公之鄉吾

之里在雞山之陽鶯溪之濱山川深厚草木濃麗其人

秀而多壽絃誦之聲溢乎四境耕種之民交乎四野時

危代易干戈所不加焉水旱疾疫盜賊所不入焉人無

甚富亦無甚貧吾劉氏族居三百有十二年矣環吾里

數百家無異姓良田數百頃未嘗去劉氏冠婚喪祭必

以禮共給公上必以時無金玉狗馬之殃無高爵重祿

之禍各食其力各守其常吾雖客遊四方而心安之秦
定四年秋歸自河南乃闢園數畝種桑柘三百株樹
橘皆千株木實之脂可食可燭俗號山茶又曰木子
者七百株茶五百株桃李雜果松竹之屬稱是歲先
茹材入雖不足自給計數年之後春葉者實者脂者
宗族鄉黨賓客之奉可不具而足矣吾又有兄弟子
以與我承祖父之訓皆頗知學足為保家之主天之
修之所取孔子不義而富且貴於我如浮雲之語扁
浮雲道院又為五言詩二十餘篇書之壁間暇則命
姪歌以爲樂客有愛而和之者不辭有錄而傳之者
不敢止行藏用舍一體而於天夫聖人之與眾不欲
而惡賁賤非甚相遠也而聖人所安樂其所樂從吾
不求去其則不然必去安其所安樂其所樂從吾所
而已眾則不然必去安其所安樂其所樂從吾所
不可必去險在前而不顧危在後而不知早夜以學
死而後已於是聖人始如天地日月互萬古而不可
及眾人積穢忽而爲虎忽而爲鼠忽而爲蟲沙其去
人何啻千萬里吾非敢希聖人而爲鼠忽而爲蟲沙
前人斯亦足矣乃歌曰悠悠兮浮雲兮悠悠兮無
安歸兮故邱又歌曰悠悠兮浮雲兮悠悠兮無
安歸兮義與仁歌畢余請書以爲記客名鶚字楚奇
學以六經爲主其文以義理爲本其詩近陶柳之閒其

大父蓋壽至百三歲云 元末兵燬明初鶚子鐸修謝志

中山書院在秋江元至順間邑人陳植建謝志

金牛書院在明德鄉金牛洞明成化間邑人張邦俊爲

羅倫建其孫廷佐偕姪述齡修府志

龍雲書院在縣東湖明邑人劉忠建謝志

六一書院在縣治西初邑人建石橋菴祀歐陽修明嘉

靖二十九年知縣張言改爲書院謝志一橋在永豐縣治西

百五十步以文忠公名文信國過縣書三十字懸諸楣

其後好義者於橋置店一十二間建石橋菴於側以塑

公像而召僧收租守之僧徒日繁改菴爲寺而公之嫡

派遠居於頤遂無復奉烝嘗者嘉靖初年傳江甯子豹

以柱史按頤求公裔孫歐陽雲給文回籍爲之授田置

室督學少湖徐公助其義取橋店租給雲以供春秋之

祀而寺尙屬諸僧僧徒混雜市井不遵清規爲諸庠生

所呈撫按符縣嚴實歸僧於龍迴寺而以寺趾入官眾

牒交佃當道屢巡從而僧乘隙以復業爲訟龍田張子

言自臨桂莅邑博咨父老窮稽故實慨曰寺之興也肇

於六一橋寺之廢也改為六一書院一
公泰山北斗推諸昌黎垂紳正笏班諸韓富而百世之
後歸然以從祀孔孟廟庭公之恆言曰死而有祠四世
之閒安文而不朽百世之傳茲非自況乎請得改寺為書
院奉安文忠公牌位率諸生歲時俎豆之如中丞淨峯
張公檄用以崇先哲風來學而一壩爭佃謀復之病柱
史白湖胡公躋其策命估議修葺期成壯觀議上而柱
史紀山曹公欣然報可督以終事適龍田子以風憲徵
有述以啟我邦人益也嘗稽諸方策雙江子復以告曰願
泰從叔父於隨龍岡歸葬時僅五齡歷四十餘年始以
參大政附鄭夫人於崇公之墓未幾入朝以老於穎竟
未及再至今距熙甯壬子五百有餘年矣而鄉之大夫
士眷然若子弟之慕父兄分符以莅肅然起敬若弟子
之於師此非今世之所希將安能曠百世而相感邪數
求典刑明若觀火攷祥元吉悠悠我思其有能孤童自
奮畫荻學字借韓文敗簾中慨然思前駕乎其有能館
扶正類排斥儉人夷陵郡州屢挫而不撓乎其有能木
閣春帖舉筆不忘規諫以稱眞侍從乎其有能卻柿木
太平之文以抑祥瑞而戒侈心乎其有能疏活二千餘命於片
剖削而杜利門乎其有能矜恤脇從活二千餘命於片
言閒乎其有能訓兒姪以守廉任勞至臨難死節亦是
榮事乎其有能未及引年懇疏求退以全晚節而恥食
其言乎駿奔詠歌懿德炳炳孰無微規孰無磨濯繼自

今通今學古濟時行道犯顏敢諫瞿然不肯作嘉祐慶
凡我成人小子舉敬圖之以無負鼓舞之典抑六一之
義公所自命也外不倖於圭組內不勞於憂慮而適然
以五物者自老雖響九奏於洞庭閱大戰於涿鹿不足
以踰其樂其於世竊俗籍不展金石不集指琴屏棋御酒
猶有所待也誠使書籍不展金石不集指琴屏棋御酒
而遊於物之初公亦樂之乎古之人戒慎恐懼以建中
和之極視於無形聽於無聲過化存神以貞觀貞明同
運而並照乃為浩浩淵淵夫焉有所倚之學惜也子生
晚不及就公而質之敬

雲邱書院在三都雙溪明里人聶豹講學所志

瀧岡書院在縣東明正德十一年提學田汝紆建祀鄒

瑾魏冕府志鄒守益碑記謹岡書院祠為大理丞鄒

魏公冕死於位一時若天台方公孝儒臨江練公子甯

廬陵曾公鳳韶分宜黃公子澄皆凜凜然有叩馬采薇

之風仁宗昭皇帝曰方孝儒等皆是忠臣大哉王言與

師向父義士之稱炳炳千古羣臣祇若德意固敵羔池

諸公咸俎豆鄉賢或書院以專祠之正德壬申某歸侍

易齋大夫疾三年而疾小間大夫命之曰永豐吾宗國

也寺丞御史之烈其可以後羣公通奉命以請於邑之
 士皆祈新相告庠生裴康陳本劉斌陳奇李觀可劉希
 昭蕭旦合辭以呈郡守伍君文定督學政田君汝紆協
 議避之亟下縣立二公木主於鄉賢大夫復命曰寺丞
 公吾同譜也其率族屬祠而祀之使從兄守泰入牒於
 郡郡丞朱君袞分守陳君洪謨巡按李君潤符縣以入
 官故趾曰東義倉空地為之曰公之精爽其尚樂故土
 乎族之長光緝率子姓元化垂鑒等建堂於中前為鄉
 氏大節祠外為龍岡書院練之以周垣歲以祭鄉賢之
 明日潔牲俎而為龍岡書院練之以周垣歲以祭鄉賢之
 者鳴呼人莫貴於自立自莫大於忠孝忠孝不失以
 善其身則雖流離顛沛刀鋸鼎鑊而天下後世猶哀慕
 而章顯之矧於同姓乎若茂德東義負國而辱親則雖
 尊榮炫赫重釣鼎而子孫且羞以為祖矧於天下後
 世乎爰繫之詞以誠吾宗詞曰昊天生民燦有正命維
 忠維孝以若恆性禍福無端貞胞有定章其淑慝是為
 殃慶百爾君子盡以為敬
 鏡孰無此身奈何弗敬

離明書院在秋江明劉霖講學處

府志

求志書院在隱居寺旁道光二十三年知縣馮詢建

府志

明德書院在四十八都龍岡道光二十八年建

縣志

義首書院在三十三都金鉤形同治二年邑人符為霖

吳定九等建縣志

螺城書院在二十九都一峯山麓同治四年知縣彭際

威建縣志

社學六所府志以上永豐以

復古書院在安福縣城南門外明嘉靖十五年知縣程

文德卽儒學舊基建中為文明堂後為茂對堂尊經閣

忠信篤敬兩齋號舍庖廡俱備肅豹記學有古今故人

還古治當求古人欲求古人當復古學學之古今何所始

乎執中一語萬世心學之源也中者何也天地之心也

人得之而為人之能事畢矣推夫不知中之為未發也

也本立而天下之能事畢矣推夫不知中之為未發也

索之於念慮探之於事為遂逐焉役於外以襲之而天

德王道之幾於是焉息陽明先生性於外以襲之而天

也毅然倡道東南而以良知為宗蓋良知者未發之中

也不學不慮自知自能故曰良知有良知者未發之中

也

也

也

也

也

也

也

也

也

也

也

也

也

也

也

也

也

也

也

也

也

也

也

者時惟江西爲盛江西之盛惟吉安吉安之盛惟安福
故書院之建惟安福有之題曰復古者期有事於古人
之學而學焉者也書院在邑治南門外一里許卽古學
廢址而創之東廓先生力倡其成主之者松溪程先生
也松溪以內翰言事謫官信宜起知安福好古宣教適
符東廓始事於某年月日訖工於某年月日書院凡若
干楹層門敞戶複寢崇堂齋舍庖湏几榻器用無弗備
又有田若干畝以資會饌之費會有期司會會長會凡
若干人若某等十數輩皆面承良知之教與東廓同遊
者雖所詣有淺深要皆斐然成章而協贊書院之成咸
有力焉隆慶閒知縣李忱修萬厯九年毀書院易名三賢
祠後知府余之禎知縣閔世翔復舊額置田租十二年
重建三先生祠祀王守仁程文德鄒守益創二賢祠祀
劉文敏劉肇袞天啟五年再毀書院知縣高賚明改稱
勳賢祠明末兵燹

國朝乾隆七年知縣黎芝修清復田租十七年督學湯聘
檄修尊經閣道光二十三年署縣張方矩率邑人王堅

修二十四年邑人彭玉森等重建祠閣

謝志府志

秀溪書院在縣南舊志誤宋嘉泰間里人周奕建謝志楊

萬里記安福縣之南三十里而近有秀溪者十里而九
榮履為天鏡涌為車輪行為齊統魯縞之文激為金黃
玉磬之音文士周奕彥博居其上築館臨之命之曰秀
溪書院講經有堂諸生有舍叢書於閣旁招良傳以訓
其四子曰伯紀承勛秀之大同良齋先生聞而嘉之為
大書四字以署其堂焉彥博來問於子曰奕也問先生
之於後學勿之有拒焉爾矣蓋有不可教而教者有
教而不教也蓋有未嘗問而告者有未嘗問而教者
將俾諸子之學緊理義乎或曰若若哉其左也今之
者非此其出也緊文辭乎或曰若若哉其左也今之
者非此其入也願先生摘張謝公大書書院之旨以啟
其衷予對曰子之言皆是也抑漢高帝所謂公知其
未知其二者也我今告子子以為聖人之經君子之學
端奚事乎道之以人之理齊之以人之綱如是而止耳
綱焉在曰親曰君而止耳理焉在曰孝曰忠而止耳
動天地貫日月通神明開金石表四海範百世莫大乎
忠孝昔者孔子嘗謂古之學者為己矣欲知古人之為
之學此其是也曰左可乎若夫學文者孝弟之餘力也
昔者子張嘗學于祿矣欲知今人之學此其是也
曰洵可乎將由夫或者前之說乎是木植而斲其枝也

將由夫或者後之說乎是穀茹而誦其耘也子於斯二
者惟勿後乎子之所先者勿先乎子之所後者勿誦其
耘左者其不右乎乎勿矜其技誇者其不隆乎子盡於孔
子子張而問之乎彥博嗜學而強記經史百氏靡不綜
貫伯紀承勛秀之以詩學
首選於膠庠餘皆競爽云

竹園書院在縣南宋邑人劉宏仲建明永樂間裔孫大

淵修謝

安賢義塾舊志作安田書塾在上田鄉元天歷閒里人

李辛翁建謝志亦吳澄記世有甚易至之事而人或怠

安福上田李氏儒家有甚難期之事而人每必於期古之

頌見知良齋尚書者有慶元貢士著史評二十懷古詞

入見知益國丞相者清祐又貢鄉貢者焉成治又治儒術

貢而國朝至元開學教於縣者焉先後四世皆治儒術

以干人爵而卒未愜所期也五傳至辛翁至元縣教之

子清祐鄉貢之孫詳史者之曾孫頌中興者之元孫也

安福城西五里外創里塾構禮殿奉先聖先師設講堂

立齋舍門廡庖廩悉具方將請公額割私田以教以養

意蓋有所為事未及竟而身遽終子剛猶稚越數年漸

長亦克畀田百畝供里塾春秋釋菜之費示不改父道

也天歷二年春剛之外傳姚貢士霄鳳暨友周南瑞適
 子言其事予謂父之創塾而有所為者已矣子之界田
 而無所為者不可嘉也雖然剛之先世期得人爵之貴而
 竟未之得不可必得故也世有可以必得而其貴過於
 人爵者剛亦願為之乎夫入爵之貴小夫賤隸之所貴
 爾而大人君子不以為貴天爵之貴大人君子之所貴
 也雖千百世之下猶以為貴況於求人爵之術必效人
 作虛辭雖不可謂難而或有不修天爵之方唯反已
 用實功雖不可謂易而人皆可能也人皆可能者何也
 己所自有不待假借也仁義禮智人人有之不為則已
 為則人人能之有所慈愛而顯之則仁也自有所羞惡而
 擴之則義也有所敬讓有所辨別而擴之則禮也智也
 婉順父母謂之孝雍睦兄弟謂之弟盡心為人謂之忠
 推己待人謂之恕仁也義也禮也智也孝也弟也忠也
 恕也豈人所不能哉非不能也禮也智也孝也弟也忠也
 而熱熱之而極則雖堯舜之道亦不過孝弟而已雖夫
 子之道亦不過忠恕而已人能孝弟而能忠恕則
 人人可達可舜可夫子也夫如是名滿天下法垂後世
 雖無人爵之貴而莫之能及其視小夫賤隸一時之所
 榮生與鳥獸同羣死與草木俱腐者豈不相去萬萬哉
 至順元年冬南瑞重來為剛請教於是書吾言以遺俾
 以揭諸家居之坐右刻諸里塾之壁閒而自勵焉
 一做歐陽元記安成李君辛翁初作安賢義塾於州西郊焉

幾卽世規模有未備者子剛慨然念先世美績無加於此乃割上腴田若干定爲教養恆式出納恒庠可以經久而不廢者一講求而完美之於是塾師劉君權其事實謁子記之子嘉李氏有子之能繼承也及感義塾之作是蓋君子至公之心而古道可復之機也爲之記曰昔者先王爲井田以養民爲鄉校以教民周衰井田法壞斯民貧富至於相懸兩塗賤日益多貴日益少相絕而君子小人之事判然兩途賤日益多貴日益少法日益密禮日益疏後世興者雖汲汲然設爲教官之任而井田經界勢不可復郡邑教養豈能偏及齊民也哉有富而好禮之士出而建義塾焉義塾旣作一鄉之士患不志於學不患無從師之資一塾之師患學之不勤不患供億之不繼推此至公之心求復世道之古其幾不在茲乎師道由是而立吾人由是而多風俗由是而美義不可勝用矣禮門左之堂曰塾塾之爲言熟也吾故願義塾師友之至斯也曷者熟於其教毋致扞格而無序學耆熟於其業毋致寒暴之罔功如是則無負李氏建塾之美意矣李氏安成大族宋末累以著述獻於朝其貢名天府者接武辛翁號一

書岡精舍在縣治南明洪熙間邑人張衡建謝

前溪書院在縣治南明宏治間邑人劉教建謝

復貞書院在縣治南五十里明嘉靖三十七年邑人民就北真觀廢址建中爲堂後爲聚奎樓祀劉文敏劉邦案劉陽尹一仁後堂祀鄒守益以朱調王釗王鑄朱叔相等配又建萃勝樓以藏書崇禎閒朱世守王績燦修明末圯

國朝康熙三年王吉周煥修乾隆八年邑人朱翰倡修道光八年上南里各都捐修二十七年重建萃勝樓

謝志縣志

識仁書院在縣治西明萬歷十九年知縣吳應時倡建前復初堂中志學堂後建三先生祠祀劉元卿周惟中劉孔堂附以西里諸賢

國朝康熙二十年邑人姚開述顏象龍吳雲等修乾隆十

九年邑人周惟邁等修

謝志府志

任仁精舍在縣治北明鄒善講學地御史朱鴻謨建祠

以祀

謝志

道東書院一在縣治東明萬厯二十一年邑人劉淑唐倡建於梅田三十二年邑人周懋相遷建沙圍

國朝康熙十年邑人王嘉祿王辰謝景安修四十年彭萃

王鼎呂修乾隆三十年邑人修一在車田道光八年建

府志

近聖會館在縣治南邑人朱淑相建

謝志

中道會館在縣治西洋溪明萬厯三十年士民公建

國朝道光十一年重修

謝志府志

石岡書院在縣治東南三十里宋邑人蕭儀鳳建宋末

兵燬儀鳳從孫徙梅溪復建元季又燬梅溪孫三溪再

復之

謝志

崇文書院在治北三十里泖溪同治十年北鄉公建

府志

安福以上

五峯書院在龍泉縣水南古便民倉前乾隆十九年知縣楊焯創建三十一年知縣杜一鴻置贍田咸豐六年

寇燬同治二年邑人重建

府志

盤窩書院在縣西高車宋時孫氏

失名

建明景泰七年僉

都御史邑人蕭啟築逸老居陟翠亭品題其勝爲十景

今廢

府志

羣英書院在縣城東銀山下明嘉靖四十三年邑人馮

衡建

府志

文藻書院距縣三十里同治四年建府志以上龍泉

濂溪書院在萬安縣署西舊名龍溪宋周敦頤司理虔州嘗遊龍溪及香林寺邑人因建濂溪祠後改爲龍溪書院祀先聖配周子二程子元至正二年縣尹周環振修尋燬明洪武三年知縣馬勝修

國朝康熙五年知縣胡樞重建濂溪祠於書院二十五年知縣黃圖昌改今名嘉慶十年知縣劉俊德改建咸豐

六年寇燬

謝志府志

雲興書院在北門外二都明隆慶二年知縣王圻因白雲寺故址創建

國朝乾隆二十三年知縣凌應蘭重修嘉慶開圯道光二十三年邑人廖琇遷建學右咸豐六年寇燬廖氏修復

府志

昂溪書院在昂溪里宋儒段奎齋講學處

謝志

儒林義塾在鄧林街元邑人劉桂平建

謝志

吳澄記

入十里其縣曰萬安萬安縣之西二十里其地曰鄧林
山永明秀人煙叢聚一名儒林唐以來文物之盛他境
鮮儼宋三百年擢科與貢之士不可勝數舊家厥極而
中微有劉氏自邵遠徙居於此而代興焉贊甲一鄉其
翁好善樂施五了俱務學仲子桂平喟然慨歎謂昔也
此地儒風彬彬而今也或至惰棄其業非有他也無所
於學無以教之而然耳乃設塾延師凡黨里子弟童蒙
以上悉許來學既而病其秋隘一新營構中創先聖燕
居之室二廡翼其左右前為中門門之前為外門後為
講堂堂之後設廡廡前有齋舍以館諸生有庖廚以供
食施田若干畝歲收所入以贍其用扁曰儒林義塾不
遠數百里造吾門請記其事將欲垂之永久俾不壞
其立心遠矣哉余考前代義塾之設睢陽為首稱學舍
四五百間好義之家所自為而不屬於官府其後遂最
天下四大書院之號五季衰亂之餘上無教下無學而
士之讀誦傳習猶幸不廢者其功為多今日所在書院
鱗比櫛密然教之之師官實置之而未嘗甚精於選擇
任滿則去矣養之之費官雖總之而不能盡塞其弊端

用匱則止矣是以學於其閒者往往有名無實其成功之獲也固宜劉氏義塾既不受官府之拘牽則與睢陽之初一也其養之之費有繼而教之之師亦惡可不慎也歟不然學徒滿堂聲琅琅非不可視可聽也要其效之所成高者僅可應舉微利達卑者不過識字記姓名而已又奚足云哉教者學者如之何其必遵朱子之明訓拳拳佩服弗至弗措必洞徹於心必允蹈於身行必可以化民美俗才必可以經邦濟時而非但呻畢摘辭之謂夫如是命世大儒由此而出庶其不負建塾者之心乎

社學五所

府志以
上萬安

崇正書院在永新縣城北隅鳳尾湖明嘉靖開邑人尹

臺建明末燬

謝志

秋山書院康熙四十二年知縣張士琦建旋廢

府志

禾山書院在明倫堂右乾隆八年知縣王瀚卽舊訓導署改建義學二十年知縣沈希賢增建二十五年知府

王宗銘改今名

府志

屏山書院在南山元大德間邑人劉南可建以授徒後

改紫霄觀

謝志

秀水書院在縣治西北道光九年知縣武穆醇倡建十年知縣鄭長祈竣工二十九年知縣侯功超勸捐置產咸豐五年寇燬九年修復

府志以上永新以

巽峯書院在永甯城西南隅初建於金鉤灣面巽峯故名元至正間遷北郭外歲久圯

國朝乾隆二十六年知縣何朝福遷今所嘉慶二十四年

知縣劉飛教諭羅馥輝遷文昌宮後道光間知縣楊曉

昀復遷今所咸豐五年寇燬邑人龍之幹重建

府志

鷺峯書屋在縣治東南明知縣陸時雍建

謝志

鄭溪書院在鄭溪明邑人龍遇奇建

府志

聯奎書院在古城舊爲義塾道光十九年修縣志

笥峯書院卽古龍溪閣地道光閒增齋舍縣志

玉峯書院道光十六年建同治九年修縣志

龍江書院在礮頭道光二十年建同治四年修縣志以上永

甯

琴水書院在蓮花廳中州邨學宮左初名蓮花書院乾隆二十四年同知李其昌訓導陳繼鎮建三十一年同知盧崧遷東北門外三十六年同知德起改今名道光二十三年同知阮克峻修同治二年同知張樹煊重修

府志

復禮書院在上西鄉書堂邨舊隸安福明隆慶六年里人劉元卿倡建陳國相置膳田萬曆十七年建四先生

祠祀王守仁鄒守益劉陽耿定向後增祀劉元卿樓上

為留帖閣謝志府志以上蓮花廳

撫州府

興魯書院在香相峯今縣學明倫堂左宋曾鞏就所居

側建以講學後廢

國朝乾隆五年知府劉永錫復建李紱記國家啟經心

殿祀十一聖師蓋自伏羲神農黃帝堯舜遞傳禹湯文

武而迄於周公孔子周公魯始封之君孔子魯人也蓋

五帝三王之道著在魯矣孔子之道傳於曾子子思子之

後裔文定公先生兄弟起於撫州實傳曾子之學撫城

中香相峯為先生兄弟故居有書院曰興魯先生嘗講

學其中東近臨城必登香相峯慨然望古徘徊遺蹟

少時以試事至郡侯劉公至撫力求所以教養士

而後去焉乾隆四年郡侯劉公至撫力求所以教養士

湖之上所謂南潮道院者也馬倉使去疾黃令君幹改
爲臨汝書院以祀朱子今南湖淫舊蹟泯矣李參政璧
始創巖峯書院於青雲峯下今亦莽爲荒墟明季郡之
士大夫就下橋寺廢院建崇儒書院今復爲寺且自明
初裁削郡城南半三書院故址皆在今城外於郡侯出
入稍遠未便朝考而夕課也六邑名書院雖多偏在郡
隅不足以稱侯之意宋時葉守夢得建魏堂書院於郡
學之西以祀陸子最宜修復今就其基建明倫堂更無
餘地惟子固先生與魯書院在郡城最中踞雄勝之勢
左環林木右依縣學絕紛囂宜講習且諸生誦法孔子
顧名思義莫良於興魯曾子鄉先達亦無過於子固先
承曾子之家學諸生將仰師鄉先達亦無過於子固先
生者則興魯書院修復爲宜或謂呂公著嘗言先生行
義不如政事政事不如文章故不及大用撫先賢多矣
獨宗仰子固先生得無偏於文乎曰宋史多參小說行
義政事云云胸叔必無此言果有之則一言以爲不智
於先生無損也且宋史稱先生性孝友亡奉繼母益
至撫四弟九妹於妾廢單弱之中宦學婚嫁一出其力
行義何不知之有敘先生歷任數州所至有所建立得
其一節皆可以爲名吏政事何不如之有宋史稱先生
義政事而復記胸叔此言特以明先生不大用之山而
咎胸叔之不智耳至於文章則以爲宋原六經斟酌於
司馬遷韓愈一時作者鮮能過推崇至矣雖然此皆先
生之緒餘也先生之志在唐論一篇直欲追五帝三王

之盛其學在洪範傳齊治均平舉而措之蓋上承曾子
之家學以繼周公孔子之傳者書院曰興魯道統在焉
豈直文學已哉劉公以爲然遂借余相度規制發贄匠
石刻期成事適有孫章之行屬余與臨川李侯經紀
其事半歲而落成前爲大門中爲講堂五楹堂前後列
翼宮爲學子肄業所後爲極高明樓暫祀先生主於樓
下將別建撫卹先賢祠於樓右俾諸生月釋菜其中樓
之後有小邱曰萬羅者亦將築小亭爲登眺之所蓋近
獨則萬家羅列遠望則萬山羅列也然皆絀於力未卽
成劉公請就今所已成者記之如此公奉天人名永錫
以河南分巡道左遷來守撫其爲四十六年知府陳明
政知大體是舉尤偉是可記也

修道光二年知府鄭祖琛耿維祐臨川知縣劉繩武邵

人楊護修咸豐六年寇燬同治元年知府吳祖昌移建

於劉公義學

府志

臨汝書院在府城西南二里宋嘉祐九年馮去疾提舉
江南西路以朱子嘗臨是邦故立書院祀之元延祐間
燬山長黃鎮同知馬合睦新之

吳澄記宋嘉祐戊申馮
侯去疾提舉江南西路

常平茶鹽事至官之日以其先師徽國文公朱先生嘗
除是官而不及赴乃於撫州城外之西南營高爽地創
臨汝書院專祠文公為學者講道之所明年己酉書院
成位置分畫率倣大學故其屋規制非他建書院比右
廡之左豎危樓貯諸經及羣書於其間扁曰尊經閣大
元延祐乙卯樓燬於火官命重建越六年庚申四月工
竣黃鎮來長書院始克構架又三年至治壬戌九月工
畢事完輪奐復舊同知總管府事亞中大夫馬合睦提
調其役相與復舊同知總管府事亞中大夫馬合睦提
是年春予往金陵過撫山長以樓成請記余將行未暇
作其冬還自金陵而總管太中以樓成請記余將行未
廉訪副使董侯登斯閣周回瞻視且嘉山長之勤又命
新門外齋舍廊廡暨池亭靡不修葺而山長之勤又命
山長躬詣吾門以請噫漢賈誼有云俗吏所務在於刀
筆筐篋侯下車坐未援席而倦倦焉以儒學所當務為
急其賢於俗吏遠矣哉書院之創迨今七十餘年矣未
嘗刻石記其興造始末非缺與今侯急人之所緩而補
昔人之所缺予何敢以固陋辭夫尊經云者豈徒曰度
羣書於高閣以爲尊也哉尊之一言何所本始曾子嘗
言尊所聞子思嘗言尊德性內事學者所聞聞此而已
之謂經之所言皆吾德性內事學者所聞聞此而已所
聞於經之言如覃懷許公所謂信之如神明敬之如父
母而後謂之尊讀其言而不踐其言是徇聖人之重揚
謂之尊經可乎昔日馮侯名此閣今日杜侯之重揚斯

偏也其望於學者為何如子少時一再就書院業不常處也退而私淑於經一句一字不敢輕忽資几力少用志亦甚苦然老矣而無聞僅僅能通訓詁文義之批糠於道昧如也其有負於馮侯之意多矣繼自今學於書院者其可不深以子為戒而惕然警懼動息語默必知所導以求無負於杜侯也哉杜侯名毓賢而有文嘗為學校之官故其加至正元年照磨王堅孫山長張震修意於儒學若此云

明初寇燬嘉靖三十七年同知蔡元偉移建臨川縣學

故基萬歷三十七年臨川知縣劉允昌修久廢

謝志

義峯書院在府城南青雲峯左宋嘉定間參政李院

一作

壁捐俸同臨川知縣黃幹建以講堂面義峯故名

謝志

崇儒書院在府城南祀宋晏殊王安石曾鞏陸九淵兄

弟元吳澄明吳與弼

府志

鄒元標記撫州海內名郡也其先多明德大儒如晏元獻王

判國曾文定陸文安伯仲吳草廬康齋諸先生者醉學粹行斯文岱宗遐荒遠裔且私淑而俎豆之矧其鄉乎先是明水陳公以學為郡人士倡曾祀象山二吳於臨汝已盱江近溪羅公至每會講禪利月餘別去諸耆紳

繼峯舒公谷南高公愚所陳公景默曾公二瞻黃公若
士湯公後先議曰吾撫在宋黃勉齋氏創有南湖書院
以開來學是時人材彬彬家有絃誦今吾等寄迹招提
謂先訓何屢圖恢復而議弗克就頃侍御督學僕魯周
公歸讀禮暇時集諸耆碩究心名理學博李公致吾布
衣周子復徐子允修輩告於公曰昔人謂工必有肆書
院吾儒之肆也南湖淤塞不可復已臨汝稍遠東城外
下橋禪林方圯其東隅隙地背峴臺而面青雲靈谷汝
水金隄百雉回環左右几席閒迹左隅而宮之庶幾復
還矣宋遺風乎周公乃告郡刺史張公邑明府吳公二
公曰我輩忝收茲土常懼無以化誨諸人士闢幽迪後
有司責也遂與周公捐金為倡李公復首捐田以助來
學郡公邑侯亦給租糧若干益之暨指紳諸生咸樂從
事聚材鳩工興役於七月其規制臨孔道為門東折
而南為大門直甬道而上為堂後為祠甬道東西為號
房左為閣為橋江水如帶帆檣下上而南為亭為圃池
塘掩映竹樹蔽虧頓還南湖偉觀顏曰崇儒書院夫以
廿餘年不克就者不三月告成則郡公邑侯與學使之
所感人者深也諸公將涓吉祀諸先生於堂徐子允修
持明府吳公侍御周公書及學博李公所志書院願未
走吉水謁鄒子
沅標為之記

興賢書院順治間知府紀振邊建久廢府志

青城書院在臨川縣治東跨羊角石元至正八年撫州

路總管周一山建歲久圯

國朝乾隆七年知府唐孝本臨川知縣李廷友縣學教諭

萬物觀訓導熊淑藻重建今為縣丞廨

縣志

碧澗書院在銅陵山陽宋知南康軍晁百談建

謝志

紅泉精舍在銅山之陽宋曾極建

曾極詩十里長松一

塵石門隔斷世間事仙窟能容鶴上人已主謝公為北

道更依華子作西鄰紅泉可酒兼宜茗便合躬耕老此

身久廢謝志青雲書院在青雲峯本縣學舊基乾隆四年知縣李廷

友建

李紱記今之所謂青雲者人爵也古之所謂青雲

子達者天爵也天色正青雲近天亦青附雲而上蓋君

史遷謂顏子雖賢附青雲而名益顯顏子未嘗鳴人爵

之榮而號稱亞聖為百世之師至今望之若在青雲之上豈非天爵之謂乎然孟子謂修天爵而人爵從則人

爵亦得附青雲之義故位曰天位職曰天職祿曰天祿
未嘗非上達時所以致此者必由天爵乃無愧於青雲
耳否則身上達心下達安敢望青雲哉撫立郡於臨汝
二水之間五峯蜿蜒盤鬱最初中南一峯昔人名青雲
所以期郡人士修其天爵如顏子之附孔子處則爲天
民出則亮天工超然雲霄之上而世俗卑鄙富貴利達
之得失不足以累其心也自宋以來縣學依其西麓名
世之士如晏元獻祖孫王荆國曾文定昆季並出其中
峯上爲青雲亭四望百里溪山煙雲爲一郡最勝地學
者日遊焉息焉時見於智王諸公之吟咏後學編其流
風亦且得以興起李參政壁愛其勝又築巖峯書院於
峯之東麓講誦甚盛元季燬於兵火明初裁巖削郡城南
半學宮阻遠嘉靖中遷入城中來遊者日稀重以明季
之亂樹木斬伐無餘於是講誦游觀之勝地蕩爲荒土
余每過之必停車登峯頂憑弔遙觀而後去將圖修復
而力未逮也城南傅生欽承故名宏子弟與其同學友
謀講習之所問地於余余欣然言於邑令君李侯請卹
學宮故地爲青雲書院以課學者侯亦欣然曰是吾志
也吾將課士其中遂與余親至其地規度位置併發清
俸爲倡余亦少助焉多士各以力之所能醖質料理經
始於秋末峯四周繚以垣爲門臨大道入門東行至峯
下爲大門五楹稍北爲講堂蓋規模粗具堂之後當爲
臨川先賢祠左右爲橫舍峯之上當復舊亭峯左最勝
常爲臨眺之軒皆以俟有志之士更續爲之余以復勝

命北行方亟他日得請以歸當極吾力以復當年之盛觀以益助國家文明之治固余與侯之志也多士請余文紀其事遂書以付之俾勒諸石志始事匪成事也後圯嘉慶十九年邑人

汪錦江重建咸豐六年燬府志

汝陽書院初在府城隍廟右道光五年諸生桂殿芳捐

建置田七百餘畝咸豐六年燬同治三年知縣黃恩浩

改建廣壽寺廢基府志

社學四所明嘉靖間知縣李彬建久廢府志以

漁墅書院在崇仁縣東鄔巷朱安撫使陳元晉建一名

文溪書院久廢謝志

成岡書院在縣二十都元邑人李幼常建以儲書久廢

謝志

草廬書院在縣東耆小港元至元間監邑阿里建祀吳

澄久廢謝志

邵菴書院在縣北郭元至正間監邑重喜建祀虞集久

廢謝志

巴山書院在縣石莊明景泰間吳宣建久廢謝志

小陂書院在縣小陂明正統間吳與弼講學於此時陳憲章胡居仁胡九韶諸儒俱從遊後卽爲祠亦名康齋

書院久廢謝志

寶唐書院舊在布政分司行署右歲久圯明萬厯間知縣李紹春率義民謝宗元就按察分司行署廢址改建

久廢謝志

文昌書院在縣治左順治閒知縣謝允璜建久廢謝志

相山書院在縣南城東門外乾隆四十三年知縣曹蓋

建道光二十九年知縣李潯王楷率邑紳捐修

府志
檔案

社學四所明天順七年知縣李祥建萬厯閒知縣陳瑛

改建縣治後久廢

府志
崇仁

以

槐堂書院在金谿縣治西宋紹定六年縣令陳詠之建

祀陸九齡九淵陸氏舊有槐堂因名酒祐十年縣令王

中立修

葉夢得記山川炳靈儒英致出美適鍾於一門
教司垂於百世昔金谿二陸先生之學問宏深智識超卓

者其風化之所係與二陸先生之學問宏深智識超卓

以斯道而任諸身以先知而覺乎後其生也海宇仰而

宗之其沒也郡邑尸而視之朝家又從而哀表之非偶

然也若稽厥始紹熙癸丑邑令王君有大新祠於學之

左而繪像焉慈湖楊公實記之嘉定丁丑邑令蕭君舜

咨建祠於學之東且刪止善堂聯於學掇齋袁公又記

之紹定癸巳邑令陳君詠之增勅書堂於祠之西乃以

二先生家塾之名扁曰槐堂而記之者琴山傅公也其

後邑士請於臺郡以琴山饗於祠而記之者琴山先生服膺

也劉諸堅珉發明昭晰夢得少受業於琴山先生服膺

二先生之教迨淳祐庚戌假守臨川風夜祇栗懼忝師

訓夏五月邑令王君中立以增葺來告夢得竦然作曰

崇教善俗他有重於此者乎乃畫規模乃捐泉俾遷
祠於槐堂之前周以兩廡分爲四齋職舍牆列庖廩傍
翼敞門徑崇垣牆樓曰桂樓軒曰滋蘭各加整葺悉存
厥初經始於孟秋越三月落成高明靚潔氣象軒煥筆
峯聳於前繡谷環於後翠雲仙山映帶於左右地靈秀
發殆若天設乃延門人李子愿爲堂長以主教事職事
生員各立定數因其歲之所收而差次其廩給自前令
陳君詠之始置田造計使吳公子良撥絕戶產而計使
尹公煥又從而均租正籍得米僅千斛豆錢三百緡猶
未足用今復析荷源寺廢田以補之月撥縣解郡用錢
楮以助之而歲用蠶給且慮時久事變體統無屬以提
督之權歸之於令凡有更創易置之事則必改第而問
於郡庶幾上下相維可持於久修規立程著爲定志士
咸樂其有條而諸夢得記之以傳不朽重惟前後修搆
既有諸名公鴻筆記述何庸復贅辭其閒然念二先生
之教師表四方而兩邑爲二先生洙泗之鄉故皆思之
深而信之篤則聚辨之地不容不嚴今揭虔秀寧游居
講息之所皆爰安爰處則盡思所以無負於二先生之
教也二先生之教大抵體認本心之靈明而曰其非所
尙省察一身之踐履而議論非所先以寧而內事爲已
分內事而富貴利達非所計來遊衿佩克知乎此則斯
堂之建豈惟不愧於今亦可不廢於後此夢得所以奉
奉於同志願
相與勉焉
元季寇燬明天順閒巡按呂洪重建尋圯

正德十一年陸氏後人志和志從修嘉靖開改為三陸

祠謝志
縣志

青田書院在縣治北三十里元大德七年縣尹張憚就

陸氏青田義居故陞創書院程文海記道不係於地也

知其入使後之學者有所觀慕或發則地亦若與焉者

此青田書院之所為作也謹按陸氏居青田至象山文

安公時已十世不與爨先代復其賦表其閭文安公兄

弟又以道德師表當世而青田陸氏問天下中更寇燬

星分五解陸氏先祠亦不能屋矣至元二十二年局半

程文海以侍御史將詣江南過金谿顧瞻遺蹟閱然興

懷鄉之耆舊咸請復其家且建三陸先生祠遂以語郡

郡下之縣縣無其人文書苟具大德五年公諸孫如由

慨然謀諸賢士大夫且懷牒郡庭以為請眾咸義之為

助其費適縣令尹張君樞政最方茂有志斯文欣然自

以為功乃即義居故陞創屋數十間春秋有祠講肄有

堂燕門房室略備曰青田書院而訪文海為記文海

蓋嘗冀其成而今始克成可喜也抑可敬也傳曰堯舜

之道孝弟而已矣使家皆陸氏人皆文安兄弟治民者

豈復勞其心哉亦既不然而於風厲示效之方又藐然

曾不訾省是不亦可歎矣乎美哉張令尹能知所先務

也懿哉賢士大夫能助其子孫繼志也大哉公之道德
久而彌彰也公與朱文公生同時仕同朝學同志其不
同者立言有豐儉之閒是以今之知學之士知文公者
甚眾而知公者甚鮮知不知非道之所計然以義居數
千指若此不幸遇患又若此行道之人猶念之況大賢
之里居政教之所急而可觀焉略不啻省若此乎此無
他不知之過也文海雖未足以知公然當知學公公嘗
有云就使吾不識字要常為天地閒堂堂正正大丈夫
息家之子孫與里之秀民勞於作樂於成庶幾藏修游
若師其心居其居不若履其道不然名存實廢室邇人
遐適足以來無窮之慨歎而已然則父兄師友可勿念
歟是役也以七年二月建十久廢謝志

崇正書院在縣治西明嘉靖閒知縣馮元建祀朱陸二

先生王莫記番馮侯大本之尹金節也治先其大者

諸永矣又慨然作曰吾不敏無以教於鄉之民惠厥德規垂

陸子谿產也若晦庵朱子亦嘗遊此邦焉二先生同時

並作相與講道其承先聖之統真皆百世之師蓋並詞

之振揚其休光使鄉之學者尊其道宗其學尚亦於風

教有裨乎於是躬出相地得縣西南隅廢倉之址其地

巍然以高面山臨流背巖塵而掛清甌於祀於學也咸

宜乃定規畫建書院焉後為祠堂立二先生木主於其中前為講堂作號舍於兩翼又前為戟門又前為大門匾曰崇正嘉靖乙巳七月壬申始事九月督學僉憲蔡公適至侯請定春秋之祀公亟嘉之報允焉是舉也出於侯之割俸勸義不費諸官不擾諸民而事以就爰擇十一月丁丑率師生釋菜以安二先生之靈遂來請記

崇禎閒兵巡道吳麟瑞修久廢

謝志

石林書院在縣治西南四十里宋州守葉夢得建明知

府周瑛題額久廢

謝志

原按宋史葉夢得字少蘊號

至戶部尚書未嘗守撫而貴溪人葉夢得則嘗守撫州但不號石林姑存之以備考謹案阮葵生茶餘客話云古今姓名相同兩葉夢得俱號石林一居姑蘇一居貴溪則書院稱石林似非誤也

象山書院在縣治西門外二里明嘉靖閒知縣程秀民

以西升廢寺改祀陸九淵兩旁翼以號舍樓來學者久

廢

謝志

仰山書院在學嶺右乾隆二年知縣閻廷佑倡為義學

三十五年知縣楊唐佑建講堂嘉慶十九年邑人修成

豐十年寇燬

府志

社學四所明嘉靖五年知縣林初建今廢

府志上金谿

以

鹿岡書院在宜黃縣鹿岡宋嘉祐間杜子野建王安石

嘗師事子野於此又名學雲館

謝志

明黃濯纓詩落日荒村處士莊至今井

畔是方塘喬林幾許迎新主還有遊人說鹿岡

定菴書院在縣十九都宋靖康間王革讀書處

謝志

遺安書院在侍賢鄉宋鄒次陳講學處

謝志

鳳岡書院舊在北山下學宮後康熙間知縣胡虞繼建

乾隆十九年知縣張有泌修二十八年知縣王光燮增

修嘉慶二十二年以書院改建考棚遷書院於鳳凰山

下同治九年拓基建興賢堂

府志

崇文書院在縣塘墟嘉慶二年仙桂鄉公建同治開修

府志

社學五所

府志以
上宜黃

心齋書院在樂安縣流坑宋董德修師事陸九淵教授

於家從遊者爲建書院

謝志

子男書院在流坑爲宋廬陵開國子董德元長清開國

男董敦逸建

謝志

慈竹書院在縣西宋樂史建手植慈竹於階故名明代

裔孫翰修

謝志

杏鳴書院在縣招攜鄉宋里人鄧氏建

謝志

沂水書院在縣嚴溪宋曾思文建

謝志

古梅書院在縣衙背宋詹元吉由進士授古田尉致仕

家居味伊洛遺書四方來學者眾建書院以居之謝志

鰲溪書院在縣治東元邑人夏友蘭建邑尉明安塔拉

原作明安塔兒捐田五百畝皇慶元年賜額規制與白鹿鵝湖

等尋燬明正德閒知縣穆世傑重建

國朝道光十九年邑人陳洪勳移建於縣學明倫堂後謝志

府志

西溪書院在縣西坑元何中建謝志

柳堂書院在縣治東元大德閒縣尉明安塔拉建元統

閒尉孔思京增建謝志

龍岡書院在縣龍頭岡元邑人謝均福與其弟均壽建

以講學明天順閒五世孫輔新之買田以供祭祀束脩

費謝志

臥雲書院在縣招攜鄉明董時紳建

謝志

安定書院在縣治前明胡伯成建以祀胡瑗

謝志

道鄉書院在縣南鎮安橋明天啟閒知縣莊學曾建祀

李材

謝志

大成書院在縣雲蓋鄉明里人公建

謝志

安浦書院在城西附郭里許道光三年邑紳何文芳捐

建

府志

尙義書院在儒學宮牆迤北道光三十年邑人公建

府志

社學四所

府志以上樂安

以

汝東書院在東鄉阜成門外會龍岡道光三年知縣吳

鳴鳳倡建咸豐九年知縣周溯賢修同治五年知縣李

士棻增修

府志

社學二所

府志以上東鄉以

建昌府

盱江書院在府治北宋儒李觀教授之所有明倫堂洙泗堂誠意正心致知格物四齋元季燬地入府治明正德壬申提學李夢陽改建西街爲堂四曰正經上達志伊學顏旁列號舍萬厯閒知府韓轍增修

國朝雍正七年提學傅玉霄卽于公講堂廢址改建咸豐六年寇燬同治八年知府達春布率合郡紳民修復

謝志

志府

紫陽書院明崇禎己卯知縣王垣京建於朝京門外歲祀朱子後燬於兵

國朝順治十年邑人移建北關萬壽宮左後廢乾隆五年

邑紳嚴潔等贖還西街范公講堂改建

府志 謹案謝志紫陽書院屬

南豐列之府治南城縣志載有紫陽書院與舊志為二今據縣志補正於前仍移舊志所載者歸南豐

圭峯書院在南城磁窰明侍郎羅玘建今為文肅祠謝志

三谷書院在麻源明尙書張昇建今為文僖祠謝志

鳳岡書院在北關中祀李觀曾輩何喬新羅玘夏良勝

崇禎十一年知縣王垣京課士其中

國朝康熙閒知府于翔漢移建提學試院右改為盱江書

院道光十四年知縣黃宗憲購通判廢署改建仍名鳳

岡謝志 府志

明德書院在鳳皇山下明參政羅汝芳講學之所門人

私謚曰明德先生謝志

正學書院在從姑山北明巡道王儼建祀羅汝芳謝志

恆山精舍在麻姑山麓明王伯昭建

謝志

章氏義塾在南門明章前峯建

謝志

曾潭講堂在縣南宋儒傅夢泉師事朱子陸象山張南

軒講學曾潭之游從遊日眾構室以居之

謝志

前峯書屋在從姑山明羅錦建以教其族黨子弟

謝志

龍眠書屋在畢姑山雲梯嶺左爲宋甯文智講學處後

廢

府志

斗湖書院在北隅興文坊明夏良勝建

謝志

道一書院明嘉靖閒建於南隅卽朱陸二賢祠後廢

府志

育英堂在麻姑仙壇右明萬厯閒知府鄔鳴雷建爲養

士勸學之所額題雲從公館後廢

府志

兩雍會館在北隅明知府鄔鳴雷建爲太學生課業之

所後廢府志

崇儒書院在于公講堂右康熙五十二年同知郭維堯建以祀朱子提學冀霖署額後改

上諭亭府志

社學一十四所府志以上南城

黎川書院在新城縣治東門內環勝山乾隆二十四年知縣盧崧率邑人創建捐置田產咸豐六年寇燬同治六年邑人陳謙恩籌貲修復府志

崇正書院同治四年知縣金時宣率邑人捐建以課士府志

賢溪書院在五十三都賢溪孔氏廟側乾隆十三年奉

文建府志

武彝講堂在福山雙林寺後宋朱子與門人黃幹蔡沈黃鍾講學於此後人爲肖像立祠祀之羅倫額曰崇正

謝志

西邨書堂在縣西元處士朱民表建以教族黨子弟

謝志

正宗書院在縣北門外一名北田學舍明嘉靖間祭酒

王材講學之所後爲學古樓中爲念初堂旁有存誠克

己慎勤尙志四齋

謝志

虞山精舍在縣東北明孝廉鄧元錫處士江如僧進士

張之奇涂景祚讀書於此

謝志

東園書舍在縣東卽皆春堂舊址嘉靖間尙書張梈建

皆春堂爲講學之所萬厯間御史鄧澄讀書其中有三

層樓大隱堂德隅堂二西閣

謝志

蕭曲山房在縣蕭曲峯明天啟間禮部主事黃端伯聚

徒教授之所謝志

西城義塾在縣上都明邑人楊振邦建有田八十畝供

饋食束脩之費謝志

社學六所府志上新城以

南豐書院在南豐縣治東元至正間知州史文彬建中

為聖殿左為曾文定祠久廢謝志

紫陽書院在縣東聚和門外明嘉靖二十一年知縣向

編建崇祀朱子隆慶四年知縣金文業重修趙郡記南

院在城之東隅宋曾子固為之記至元時燬於兵燹遺

址今為民居則書院廢於豐者數百年矣嘉靖王寅金

陵向侯來視縣事以東門外昭陽祠祀非其鬼命撤其
像為今書院改故祠為堂堂顏曰崇文中育朱子像展
祀之堂之前闢其地為階東西廡齋舍外門屋跨通衢
門之上顏曰紫陽書院其大較若此迨丁巳歲嗣寇蹂

躡江藩書院用棲武弁十餘年內橫戈豎戟巖瀾其中
堂龕几席據作家私櫺窗屏風析為燎檮額壁缺歸
然存者楹柱而已隆慶戊辰秋東粵惡國金侯甫下車
眎縣及書院喟然曰晦菴學績孔孟崇廟祀之紀思也
顧其役鳩工度材悉出己俸一不裁乃圖新之遂召民
屬余記之余謂金侯之政識大體矣時論以戰兵飭訟
為長人者之責不知謹庠序之教崇先哲以幹式上類
乃所以使民無訟而無所用其武者也可無述乎因究
其本而為之言曰自堯舜迄今治亂非一邪正之辨皆
折衷於朱子今書院廢而復修之者我侯得無意哉蓋
吾儒與異端殊教也弦歌與強暴異情也然而彼卒不
能勝此者以經常之理俎豆之儀極所陳其所以感
者速也子朱子集諸儒之大成倡明正學慨世之學者
失小學工夫故其教人自食息起居以至祀天享帝一
以主敬為本則先生之學真足以紹百王繼千聖正人
心扶世教千載之下常言善行載在典籍者如日月之
經天斯文宗主未有舍此而他求者也侯修廢舉堅固
將使後生晚進目觀其遺像有所感發興起惜之文章
事業朝廷物色得真才而用之使邦人知豈弟作人之
意而頌金侯之功不哀願不偉歟若曰哉時將亨徒多
其儀文章縫之士出入是門者徒異其冠服侈談道德
為媒利之階宗慕禪寂為見性之地匪惟乖侯之萬慙
初意即起朱子於今日亦將在門牆則磨之矣

閒知縣程三省林洪卿增葺

謝志

南臺書院在南臺山麓明隆慶二年知縣金文業教諭

王棟捐建萬厯閒署縣事通判薛瀚重修

謝志

嘉禾書院舊在東關外乾隆十年知縣葉重熙移建城內舊公署廢址二十八年知縣盧崧重修因屋宇湫隘

特建琴城書院改嘉禾書院爲賓館

府志

琴城書院在城內張家堡乾隆二十八年知縣盧崧率

邑人創建嘉慶十八年重修躍龍橋亭道光二年知縣

宋應文修講堂齋舍二十二年知縣朱錫均同邑紳劉

良駒等修易名琴臺咸豐閒寇燬邑人修復

府志

水雲書院在水雲邨宋劉堽讀書之所堽號水邨以道

學鳴於時

謝志

華林書堂在王漿源宋孝子瞿元肅建元肅孝行聞於

朝祥符九年眞宗召見賜御書親王公卿各賦詩待制

李虛中爲之序

謝志

社學六所

府志

以

清溪書院在廣昌縣新坊里明正統閒雲南按察使賴

巽建

謝志

東園書院在縣東明吏部尙書何文淵讀書所文淵號

東園故名

謝志

石岡書院在縣西明嘉靖閒吏部郎李喬建

謝志

南郭雲莊在揭坊里明嘉靖閒都御史何源藏書講習

之所其孫三省重修

謝志

盱源書院在城東隅蓮花菴左乾隆閒邑人捐建咸豐

八年寇燬同治二年修復府志

社學六所府志以上廣昌以

鶴城書院康熙三年初建於瀘溪縣西稱文會館乾隆

十八年知縣楊焯移建縣西南額曰養正二十八年知

縣高尙禮改名盱江五十四年知縣賈文召改今名道

光八年知縣張澍修府志張澍記古人有言士不通

於致用也謀矣武觀兩漢經師家法相授如丁寬之明

易而知兵王吉之知鵠範而諷諫王延世之通禹貢而治

河患劉更生之知鵠範而說荀彘不疑之熟春秋而

斷疑獄非猶夫後世之繙槩輒而拾香草也瀘邑為山

國士習舊稱消樸余履任之日詢所謂書院則敗瓦殘

橡風雨不蔽盡然傷之急以庫存罰鍰屬傳林二生修

理之去盱江之名而額曰鶴城紀實也時值大比諸生
赴秋賦子亦以禮事晉省比其反也歲津云莫乃錄取
生童若干名延教諭甘君主講焉嗟乎以予之舟車南
北必載書甚多屢為莊唐子所怪即一行作吏敲朴喧
鬧牒訴恹恹而此乎不廢未必仕優則學學優則仕蓋
深懼光陰易逝經術不明而尤媿未能致治上理俾四

境之內疆競輸情善良安業盜賊屏息陰陽協和是仍
為有體無用之學也諸生讀聖賢書抗心希古力圖遠
大而於制裁試帖之末反不能精此固獵葉之風不如
聚沙之雨母亦因陋就簡不思淬厲以底於成乎願諸
生勿憚燁掌之勞糞心之苦闢經苑啟史簡引之以道
紉浴之以學海何遽不為文囿之鳴鳳菽圃之靈芝哉
夫朱穆忘食而窺編公孫牧豕而習業黃霸請室而問
難盧植戎服而談論前詰勤劬當不我欺今紀垣梓之
竣功輒述儒林之遘事以為諸生勛
尚其興沒孟晉無弁髦予言是為記

進修書院在四都宋元豐進士石松建其孫淳熙進士

致平重修謝志

菴山學舍在四都宋宣贊舍人石永壽建謝志

社學一所府志以上廬溪以